



欽定皇輿西域圖志

ル 5
104
15

子五



欽定皇輿西域圖志卷之二十二目錄

山三

天山北路

拜塔克


哈喇莽奈鄂拉

古爾畢達巴

庫爾圖達巴

阿勒坦鄂拉

烏可克達巴



104
15

所錢支
有响那

阿拉克鄂拉

博克達烏魯罕鄂拉

薩爾巴噶什達巴

古爾班奇喇鄂拉

阿爾察克鄂拉

阿斯哈圖達巴

朱爾庫朱鄂拉

塔爾巴噶台鄂拉

巴爾巴什鄂拉

通古斯巴什鄂拉

雅瑪里克鄂拉

阿顏台和洛鄂拉

巴顏哈瑪爾鄂拉

博羅哈瑪爾鄂拉

奇喇圖魯鄂拉

阿爾噶里圖鄂拉

哈喇古顏鄂拉

博羅布爾噶蘇鄂拉

阿布喇勒鄂拉

塔勒奇鄂拉

博羅和洛鄂拉

烘郭爾鄂博

薩勒巴圖烏蘭布喇達巴

罕哈爾察海鄂拉

庫克托木達巴

阿勒坦特布什鄂拉

巴爾魯克鄂拉

鄂爾和楚克鄂拉

薩里鄂拉

色伯蘇台鄂拉

呼察斯阿爾噶里圖鄂拉

察罕布古圖鄂拉

庫隴奎鄂拉

格登鄂拉

阿勒坦額墨爾鄂拉

莎達巴

他巴爾遜達巴

察察圖達巴

圖賚愛古爾鄂拉

布喀鄂拉

墨爾根西里鄂拉

阿圭鄂拉

阿斯哈達巴

伊爾該圖鄂拉

渾都賴鄂拉

庫古里克鄂拉

烏可克達巴

額得墨克達巴


庫穆什鄂拉

哈喇布拉達巴

呼巴海鄂拉

巴噶布魯勒鄂拉

伊克布魯勒鄂拉



欽定皇輿西域圖志卷之二十二

山三

天山北路

拜塔克

拜塔克在鎮西府西北境之哈布塔克西一百十五里。山脈自鎮西府北山東行至塔勒納沁之北。折而西北行爲阿濟鄂拉。又西行爲哈布塔克。又西行至此。盤迴千有餘里。蓋天山分支也。烏里雅蘇台。布爾噶蘇台。烏爾圖諸布拉克。

皆出其南麓。

按準噶爾舊疆。在拜塔克以西。故以此爲天山北路諸山之始。

又按後漢書陽嘉三年夏。車師後部司馬率加特奴等千五百人。掩擊北匈奴于闐吾陸谷。四年。北匈奴呼衍王侵後部。帝以車師六國接近。令敦煌太守發諸國兵。及玉門關候。伊吾司馬。合六千三百騎救之。掩擊于勒山。今考車師前後部。在博克達鄂拉東。天山南

北漢時呼衍王近與相接。應在哈密西北。博克達鄂拉東北一帶。是以裴岑誅呼衍王碑。善卽在哈密庫舍圖達巴。而後漢書所謂闐吾陸谷與勒山者。亦當在哈密西北博克達鄂拉東北一帶。與今之哈布塔克。拜塔克。哈喇莽奈鄂拉爲相近也。特其地難確指。爲附見於此。

哈喇莽奈鄂拉。

哈喇莽奈鄂拉。在天山北三百里。拜塔克北。東

西綿亘山脈亦自東而西北距赫色勒巴什淖爾一百里又西一百里入于沙磧

隋書突厥傳其先國于西海之上爲隣國所滅男女無少長盡殺之至一兒不忍殺則足斷臂棄于大澤中有一牝狼每銜肉至其所此兒因食之得以不死其後遂與狼交有孕焉彼隣國者復令人殺此兒而狼在其側使者將殺之其狼若爲神所憑歘然至于海東止於山上其山在高昌西北下有洞穴狼入其中遇得平壤茂

草地方二百餘里其後狼生十男其一姓阿史那那氏最賢遂爲君長故牙門建狼頭纛示不忘本也

唐書沙陀傳處月居金娑山之陽其支山西出按自哈喇莽奈鄂拉而西岡巒相屬西過高昌疑卽隋書所謂高昌西北之山第其言荒渺遠近道里不著於史難以深考若唐時沙陀居蒲類之東境有大磧爲今廸化州東北一帶無疑則唐書所謂金娑山者應卽今之

哈喇莽奈鄂拉。以其地居廸化州東北。正當沙陀北境故也。

古爾畢達巴。

古爾畢達巴。在額爾齊斯河東北。哈喇圖郭勒發源西麓。山脈自鎮西府東北境之必濟鄂拉西北行二百餘里至此。嶺率特拔。其支山西出走哈喇額爾齊斯郭勒。哈喇圖郭勒之間。

庫爾圖達巴。

庫爾圖達巴。在古爾畢達巴西北一百里。山脈

相屬。哈喇額爾齊斯郭勒發源西麓。其支山西

內。驚出走哈喇額爾齊斯郭勒。奇喇郭勒之間。

出阿勒坦鄂拉。

阿勒坦鄂拉。舊音阿爾泰。爲古金山。在庫爾圖

達巴西北三百里。哈柳圖郭勒發源西南麓。山

脈自庫爾圖達巴屈折至此。其迤東境。峯巒層

沓。亘數百里。爲北路名山之冠。東爲舊藩喀爾

喀蒙古諸部。西爲準噶爾部。乾隆二十年。大兵

討準噶爾。道出阿勒坦鄂拉。遣官祭告。

告祭阿勒坦鄂拉文。

朕恭承

鴻業。撫馭寰區。康乂柔懷。中外一視。準噶爾部落。向遠王化。篡弑相仍。因而內亂。達瓦齊又復殘虐其屬。分崩離析。人不聊生。雖在殊荒。均之赤子。朕何忍不爲拯救。坐視阽危。爰整王師。分道並進。今北路大兵。道出神境。惟神起幹西北。綿亘東南。實塞外之名區。作內藩之屏障。尙其默相。翼我明威。期迅奏乎虜功。永救寧夫遠服。虔申昭告。用布馨香。惟神鑒焉。乾隆二

十年月日。

北魏蠕蠕傳。那蓋出自金山。累有勝捷。國人咸以那蓋爲天所助。乃殺豆輪母子。那蓋襲位。號候其伏代庫者可汗。自稱太安元年。子伏圖立。號他汗可汗。伏圖西征高車。爲高車王所殺。子醜奴立。禽其王殺之。盡并叛者。國遂疆盛。隋書突厥傳。姓阿史那氏。後魏太武滅沮渠氏。阿史那以五百家奔茹茹。世居金山。工于鐵作。金山狀如兜鍪。俗呼兜鍪爲突厥。因以爲號。西

突厥大邏便疆盛。東距都斤。西越金山。

唐書突厥傳。車鼻亦阿史那族。而突利部人也。頡利敗。薛延陀稱可汗。乃往歸焉。延陀將殺之。乃遯去。竄金山之北。自稱乙注車鼻可汗。西葛邏祿。北結骨。皆并統之。延陀後衰。車鼻勢益張。右驍衛卽將高偁擊之。攻阿息山。追至金山。獲之。景雲中。葛邏祿胡屋鼠尼施三姓。大漠都督特進朱斯。陰山都督謀落。匍鷄。元池都督蹋實。力胡鼻。率衆內附。詔處其衆于金山。回鶻傳。薛

延陀乙失鉢爲野啞可汗。在金山者。西役葉護可汗。乙失鉢孫夷男。率其部稍東。保都尉橐山。獨邏水之陰。東室韋。西金山。南突厥。北瀚海。

按蒙古語謂金爲阿勒坦。與阿爾泰音相近。更以方位考之。阿勒坦鄂拉。卽古金山無疑也。蠕蠕主那蓋。西出金山而立國。應在今阿勒坦鄂拉之西。更以高車傳。彌俄特。與伏圖戰於蒲類海北之文証之。則自阿勒坦鄂拉西南。迄天山之北。皆其境壤。突厥世居金山。

因兜鍪之狀。以爲國號。而邏便越金山之西。車鼻竄金山之北。皆以金山爲望鎮者。至葛邏祿三姓。本處金山西境。因其內附。徙衆居之。薛延陀乙失鉢未遷之前。本處金山西南。是以西役葉護。至夷男東徙。乃與回紇。均以金山爲西界焉。

烏可克達巴。

烏可克達巴。在阿勒坦鄂拉東。

阿拉克鄂拉。

阿拉克鄂拉。在阿勒坦鄂拉西三百餘里。西南自北距烘和圖淖爾四十里。山脈與阿勒坦鄂拉東。西相屬。乾隆二十年大兵討準噶爾。二十二年。追討阿睦爾撒納至此。皆遣官祭告。

朕恭承

鴻業。撫馭寰區。康乂柔懷。中外一視。準噶爾部落。向遠王化。篡弑相仍。因而內亂。達瓦齊又復殘虐其屬。分崩離析。人不聊生。雖在殊荒。均之赤子。朕何忍不爲

拯救坐視貼危爰整王師分道並進今西路大兵道
出神境惟神雄標兌域秀峙坤維磅礴鍾靈綿延西
幹尙其默相翼我明威期迅奏乎膚功永救寧夫遠
服虔申昭告用布馨香惟神鑒焉乾隆二十年月日
朕纘承

祖緒中外一家撫順討逆式昭柔遠之模布德宣威不
振詰戎之畧茲以西陲小醜負恩作叛煽惑邊疆實
自外于生成斷難寬夫勦戮爰命定邊將軍喀爾喀
札薩克和碩親王成袞札布整師鞠旅盡掃餘氛大

軍道出神境惟神建標兌域挺秀坤維磅礴鍾靈崔
嵬綿亘尙其明昭翊應默佑膚功期計日以執俘幸
彰武績用寧邊而敷化誕擴鴻圖敬薦馨香惟神鑒
格乾隆二十二年月日

博克達烏魯罕鄂拉

博克達烏魯罕鄂拉在阿拉克鄂拉南三十里

西距烘和圖淖爾三十里

薩爾巴噶什達巴

薩爾巴噶什達巴在阿勒坦鄂拉西南一百餘

里

古爾班奇喇鄂拉。

古爾班奇喇鄂拉。在薩爾巴噶什達巴南一百里。奇喇郭勒。尼斯庫郭勒出其西麓。

阿爾察克鄂拉。

阿爾察克鄂拉。在古爾班奇喇鄂拉南五十里。

阿斯哈圖達巴。

阿斯哈圖達巴。在古爾班奇喇鄂拉西二百里。奇喇河南。哈喇額爾齊斯河北。哈爾巴郭勒出

其南麓。博喇濟郭勒。出其西麓。

按自薩爾巴噶什達巴至此。皆自阿勒坦鄂

拉分支。西走額爾齊斯支河之間。

朱爾庫朱鄂拉。

朱爾庫朱鄂拉。在烘和圖淖爾西南八十里。山

脈自必濟鄂拉北。古爾畢達巴南。分支西出。走

青告勒河北。額爾齊斯河南六百餘里。折而西

北行四百里至此。北路羣山之次高者。山北有

水。東南流匯為小澤。乾隆二十年。大兵進討準

噶爾遣官祭告

告祭朱爾庫朱鄂拉文。

朕恭承

鴻業。撫馭寰區。康乂柔懷。中外一視。準噶爾部落。向遠王化。篡弑相仍。因而內亂。達瓦齊又復殘虐其屬。分崩離析。人不聊生。雖在殊荒。均之赤子。朕何忍不為拯救。坐視阡危。爰整王師。分道並進。今北路大兵道出神境。惟神幹連北界。勢控西陲。雄峙邊隅。鬱為要隘。尙其默相。翼我明威。期迅奏乎膚功。永救寧夫遠。

服。虔申昭告。用布馨香。惟神鑒焉。乾隆二十年月日

按阿勒坦鄂拉西南羣山縈絡。而朱爾庫朱

鄂拉。厥名較著。處烘和圖淖爾之西南。唐書

葛邏祿部。跨僕固振水。包多怛嶺。僕固振水。

為今烘和圖淖爾。說見則多怛嶺。應于此山

為近是矣。

塔爾巴噶台鄂拉。

塔爾巴噶台鄂拉。在朱爾庫朱鄂拉西北一百

里。山脈相屬。為準境北屏。山有特里特額達巴。

尤稱險隘。乾隆三十一年。秩于祀典。每歲春秋致祭。

歲祭塔爾巴噶台鄂拉文。

維神衍脈天山。効靈中土。表崇高于北徼。標形勝於西陲。夙稱邊塞之屏藩。聳重巒而特出。永作鴻圖之拱衛。環疊嶂以相維。瑞靄祥氛。答四時之靈貺。升香薦幣。昭萬載之懷柔。秩祀攸隆。洪庥丕著。

按自此西南行爲鄂爾和楚克鄂拉。其脈自博羅塔拉北山東行。至此始合。

巴爾巴什鄂拉。

巴爾巴什鄂拉。在迪化州城西北三十里。

通古斯巴什鄂拉。

通古斯巴什鄂拉。在巴爾巴什鄂拉西二十里。

迪化州北境。

宋王延德高昌行紀。北廷北山中。出礪砂。山中嘗有烟氣湧起。無雲霧。至夕光燄若炬火。照見禽鼠皆赤采者。著木底鞵取之。皮者卽焦。下有穴生青泥。出穴外卽變爲砂石。土人卽以治皮。

按迪化州為唐北庭亦作北庭宋時山北并隸高昌。而北庭之稱不改。則所謂北廷北山。當屬今迪化州即烏魯木齊北境之山。考其方位。宜與巴爾巴什。通古斯巴什諸山相近。又隋書西域傳載阿羯山。應即唐書龜茲國北之阿羯田山。史亦稱其有烟火出。礪砂。疑延德所記。有不定屬于烏魯木齊北境者。或自今之烏魯木齊以西。迄於阿克蘇北山。皆屬天山正幹。地氣積厚。當時產吐烟燄。有大略相

同者。是以諸書紀載率多近似。不妨兩存之。以備考證。

雅瑪里克鄂拉。

雅瑪里克鄂拉。在昌吉郭勒西。羅克倫郭勒東。

昌吉縣治西南五十里。當孔道南。

阿顏台和洛鄂拉。

阿顏台和洛鄂拉。在雅瑪里克鄂拉西四十里。

羅克倫郭勒西。當孔道南。

巴顏哈瑪爾鄂拉。

巴顏哈瑪爾鄂拉。在阿顏台和洛鄂拉西五十里。呼圖克拜郭勒西。圖古里克郭勒東。河源發於北麓。當孔道南。

博羅哈瑪爾鄂拉。

博羅哈瑪爾鄂拉。在巴顏哈瑪爾鄂拉西七十里。哈齊克郭勒西。陽巴勒噶遜南。和屯博克達鄂拉北。當孔道南。

奇喇圖魯鄂拉。

奇喇圖魯鄂拉。在博羅哈瑪爾鄂拉西五十里。

瑪納斯郭勒西。烏蘭烏蘇東。當孔道南。

阿爾噶里圖鄂拉。

阿爾噶里圖鄂拉。在奇喇圖魯鄂拉西二百里。

奎屯西北。庫爾郭勒東。當孔道南。

按自巴爾巴什鄂拉至此。皆附近天山之分支。在迪化州迤西五百里之間。

哈喇古顏鄂拉。

哈喇古顏鄂拉。在額布圖達巴西北二百里。晶郭勒南。哈什郭勒。發源南麓。山脈自額布圖達

巴折北而西。為天山分支。至此孤峯聳豎。

博羅布爾噶蘇鄂拉。

博羅布爾噶蘇鄂拉。在哈喇古顏鄂拉西一百里。入東谷口。西行三十里。為覺羅托海。又西南一百一十里。為額博爾濟達巴。又西九十里。為塞特爾台哈喇海。其地皆在山谷中。又九十里出西谷口。於是全山之形勢始盡。乾隆二十二年六月。將軍成衮札布。遣副都統由屯等。窮追逆賊呢嗎。至額博爾濟達巴口。擒之。殲其眾二

百餘。獲馬駝牛羊七百餘。所部乃平。

阿布喇勒鄂拉。

阿布喇勒鄂拉。在博羅布爾噶蘇鄂拉南。由天與準山正幹之額布圖達巴分支。迤西北行。在哈什興。郭勒空格斯郭勒兩河環帶間。當伊犁正東面。乾隆二十八年。秩于祀典。每歲春秋致祭。

歲祭阿布喇勒鄂拉文。

惟神秀甲金方。勝標玉塞。崇岡起伏。從葱嶺以分支。疊障峻嶒。界烏孫而作鎮。近通哈什。遠控伊犁。納喇

特峙其陽。翠屏儼對。空格斯繞其左。碧水如環。緬靈異之夙傳。宜馨香之式薦。朕丕昭武畧。龜定遐荒。昧谷之西。遣亥章以測日。輪臺以外。駐戍己而開屯。乃眷名山。實稱福地。犁庭露布。久徵默佑之功。觸石雲興。允著懷柔之效。緬阪章之式闢。庶沙磧之永寧。嘉覲聿臻。明禋肇舉。刊旅未詳於禹貢。始知際會有期。庶懸載考夫周官。益信報功不爽。春秋望秩。瞻峻極於北庭。風雨和甘。垂祐庥于四海。自今以始。申錫無疆。

塔勒奇鄂拉。

塔勒奇鄂拉。在博羅布爾噶蘇鄂拉西北。山形迤邐。西南相屬。庫色木蘇克郭勒。發源西麓。塔勒奇郭勒。發源南麓。其東谷口在察罕拜牲城西七十里。托里西一百二十里。南谷口距東谷口一百八十里。由南谷口外一百里。至伊犁郭勒北岸之阿里瑪圖。爲博羅塔拉之南山。踰山而南。卽喀什。空格斯地。乾隆二十八年秩於祀典。每歲春秋致祭。

歲祭塔勒奇鄂拉文。

惟神保障金方。安敦兌域。南屏拱抱沿山之鄂博星羅。北渚迴環傍水之謨多錦簇。源泉有本。開一鑑於峯頭。烟火相望。聳孤城于遙岸。形勢冠諸絕域。典物錫以隆文。朕遠服咸賓。西戎卽敘。壺漿載道。受蕃長之來降。旗鼓分馳。擒叛臣之往竄。默孚神貺。迅奏膚功。設百雉之雄關。弓懸新月。導雙流之谷口。馬飲清泉。爰錫庶懸。用申望秩。屆春秋而頒帛。慶雉譯之咸通。諏辛甲以薦馨。保鴻圖之常固。尙其昭格。永克歆

承。

博羅和洛鄂拉。

博羅和洛鄂拉。在塔勒奇鄂拉南谷口西北二

百里。博羅塔拉西南二百里。鄂拓克賽里郭勒。

發源東麓。

烘郭爾鄂博

烘郭爾鄂博

鄂博謂壘石爲祭處

在博羅和洛鄂拉西山

脈自額布圖達巴分支。西行至此。又分二支。其

西北一支。曲折五百里。北至格登鄂拉。西至沙

達巴其東北一支。繞博羅塔拉西北。折而東行。至鄂爾和楚克鄂拉。與阿勒坦西來之山脈相接。乾隆二十八年。秩於祀典。每歲春秋致祭。歲祭烘郭爾鄂博文。

惟神鍾靈地絡。分幹天山。南眺伊犁。與塔勒奇以並峙。西通葱嶺。鎮衛拉特以稱雄。符良德之安敦。助宣元化。臨兌方而聳拔。夙著神威。沙暖草肥。洵真靈之秘宅。巒環谷抱。實絕域之隩區。朕拓地烏孫。洗兵魚海。單于繫頸。三捷成掃穴之勛。貳負陳尸。列戍息傳。

峯之警。選重臣以留鎮。度沃壤以興屯。益恢一統之模。爰秩百神之祀。曩者籌邊五夜。曾識聚米之形。今茲刊旅九山。長作維屏之固。迺咨祠部。載練吉辰。典禮肇稱。薦馨香以昭格。懷柔式應。配嶽鎮以尊崇。補山海之圖經。傳於奕禩。表渠支之疆域。綏我邊黎。用奠清樽。永垂鴻祐。

唐書突厥傳。定方追賀魯至雙河。距賀魯牙二百里。陣而行。抵金牙山。賀魯衆適獵。定方縱兵破其牙。俘數萬人。獲鼓纛器械。

按博羅和洛鄂拉。烘郭爾鄂博。為博羅塔拉之西屏。博羅塔拉為賀魯牙。則所云金牙山。應與此相近。

薩勒巴圖烏蘭布喇達巴。

薩勒巴圖烏蘭布喇達巴。在博羅和洛鄂拉北一百里。博羅塔拉西。

罕哈爾察海鄂拉。

罕哈爾察海鄂拉。在博羅和洛鄂拉北二百里。當博羅塔拉之西北境。鄂拓克賽里郭勒發源

蘇木東麓。察林郭勒。發源西麓。

蘇庫克托木達巴。

蘇庫克托木達巴。在罕哈爾察海鄂拉東北。博羅塔拉北。

阿勒坦特布什鄂拉。

阿勒坦特布什鄂拉。在罕哈爾察海鄂拉東二百里。博羅塔拉西北一百五十里。舊為準噶爾塔爾巴哈沁部游牧處。係賽音伯勒克之昂吉宰桑烏魯木。亦游牧其地。乾隆二十年。五月大

兵進討伊犁。烏魯木以四百餘戶內附。

巴爾魯克鄂拉。

巴爾魯克鄂拉。在布爾哈齊淖爾東北一百五十里。爲塔爾巴噶台之西屏。綽諾布拉克發源西北麓。踰山接哈薩克境。乾隆三十一年。秩於祀典。每歲春秋致祭。

歲祭巴爾魯克鄂拉文。

維神列方兌位。合鎮坤維。疊蒼翠於層巒。蔭鬱葱之嘉木。虬枝吐秀。靈蹤標太華而遙。雲葉交陰。勝蹟紀流沙之外。奠新疆而永固。保障斯存。護邊塞以垂庥。馨香特薦。尙希來格。永享明禋。

鄂爾和楚克鄂拉。

鄂爾和楚克鄂拉。在巴爾魯克鄂拉東北四百里。綽爾郭南。納林和博克北。布隆郭勒。發源北麓。達敏郭勒。烘郭爾布拉克。發源南麓。

按自此東北行一百五十餘里。與朱爾庫朱鄂拉相接。其南行一支。入沙磧者爲薩里鄂拉。色伯蘇台鄂拉。

薩里鄂拉。

薩里鄂拉。在鄂爾和楚克鄂拉東一百里。南臨沙磧。

色伯蘇台鄂拉。

色伯蘇台鄂拉。在納林和博克東北十里。山脈自鄂爾和楚克鄂拉分支。東南行百餘里至此。又南行入於沙磧。

呼察斯阿爾噶里圖鄂拉。

呼察斯阿爾噶里圖鄂拉。在罕哈爾察海鄂拉

西北三百餘里。濱巴勒喀什淖爾。

按此自罕哈爾察海鄂拉西北行者。別爲一小支。

察罕布古圖鄂拉。

察罕布古圖鄂拉。在伊犁郭勒北一百里。山脈自博羅和洛鄂拉分支。西北三百里至此。庫克烏蘇源出其北麓。

庫隴奎鄂拉。

庫隴奎鄂拉。舊音庫隴癸。在察罕布古圖鄂拉

西南一百里。伊犁郭勒北。哈討北境。庫克烏蘇
郭勒。發源北麓。山脈自博羅和洛鄂拉西北行
三百餘里至此。乾隆二十三年三月。將軍兆惠
追討阿睦爾撒納。有喀拉沁宰桑昂克圖。多果
魯特宰桑布庫圖。噶爾雜特宰桑特克爾得克。
阿爾塔沁宰桑塔爾巴者。率二千餘戶。由和爾
郭斯舊音和落霍斯敗北。至伊犁郭勒東之哈討。將渡
河。聞大兵至。往據庫隴奎鄂拉。將軍兆惠策布
登扎布。富德等。分道夜半擊之。時大霧迷漫。賊

倉猝棄輜重。赤身走山岩間。施鎗石抵禦。學士
溫福副將高天喜各挾一礮。登於山。以擊賊之
在山者。皆死。兆惠等從之。賊大潰。殺塔爾巴。獲
昂克圖。餘衆盡殲。獲輜重無算。布庫圖。特克爾
得克。僅以身竄。

格登鄂拉。

格登鄂拉。在庫隴奎鄂拉北一百八十里。庫克
烏蘇東七十里。乾隆二十年五月。將軍班第等。
平伊犁。達瓦齊以萬餘衆西走。保格登鄂拉。後

踞山根。前臨泥淖。西北兩路官兵各據形勢。整陣以待。十四日遣翼長阿玉錫。厄魯特章京巴圖濟爾噶爾。宰桑察哈什等。以銳兵二十二人。夜襲達瓦齊。將及。阿玉錫突其營。鎗矢並發。聲震山谷。出賊不意。乃大潰亂。自相蹂躪。無一人敢撓吾鋒者。擒其台吉二十。宰桑四。宰桑子弟二十五人。達瓦齊率其濟拉特怯五百餘。所部兵二千。諸鄂拓克兵四千餘。至黎明。悉收撫之。達瓦齊僅以身免。是役也。以二十五人。敗六

千餘衆。阿玉錫之功居最焉。且手撤達瓦齊所居帳。及礮六位而還。

天子壯其勇。作阿玉錫歌。製紀功碑文。勒石山岩。乾隆二十五年。遣官致祭。每歲春秋。秩于祀典。

御製阿玉錫謠 乙亥

阿玉錫者伊何人。準噶爾屬司牧臣。其法獲罪。應對臂何。不卽斬。犯厥尊。徒步萬里來。向化育之塞外。

先朝恩

事在雍正十一年

薩拉爾來述其事云。卽彼中勇絕倫。

持銃迎面未及發。直進手奪無遜。巡召見。賜銀擢侍。

衛卽命先驅清漠塵我師直入定伊犁達瓦齊聚近

萬軍鼓其螳臂欲借一依山據淖爲營屯我兩將軍

阿睦爾撒重諮議以此衆戰玉石焚廟謨本欲安絕

域撻伐毋乃違皇仁健卒掄選二十二日阿玉錫統

其羣曰巴圖濟爾噶爾去年投誠封郡王納及察哈

什副以進伊犁此人乃我師至阿玉錫喜曰固當去

廿五人氣摩青旻銜枚夜襲覘賊向如萬祖父臨兒

孫大聲策馬入敵壘厥角披靡相躡奔降者六千五

百騎阿玉錫手大纛拳達瓦齊攜近千騎駝走喙息

嗟難存荆軻孟賁一夫勇徒以藉甚人稱論神勇有

如阿玉錫知方亦復如報恩今我作歌壯生色千秋

以後斯人間

御製平定準噶爾勒銘格登山碑文

格登之崔嵬賊固其壘叶我師堂堂其固自摧格登

之巖薛賊營其穴我師洸洸其營若綴師行如流度

伊犁川粵有前導爲我具船渡河八日遂抵格登面

淖背岩藉一昏冥日擣厥虛日殲厥旅豈不易易將

韜我武將韜我武詎曰養寇曰有後謀大功近就彼

衆我臣已有成辭。火炎崑岡。懼乖皇慈。三巴圖魯。二十卒。夜斫賊營。萬衆股栗。人各一心。孰爲汝守。汝頑不靈。尙竄以走。汝竄以走。誰其納之。縛獻軍門。追悔其遲。於恒有言。曰殺寧育。受俘赦之光。我擴度漢。置都護。唐拜將軍。費賂勞衆。弗服弗臣。旣臣斯恩。旣服斯義。勒銘格登。永詔億世。

告祭格登鄂拉文。

詰戎龕暴。靳遐邇之綏安。蕩穴焚巢。荷神人之協應。乃者準噶爾。以諸蕃瓦解。款塞請兵。達瓦齊當累世。貫盈。負嶠假息。方王師壓境。窮鱗尙戀泥蟠。而裨將選鋒。鍛羽難延。株守廿五騎。自天而下。不藉梯衝。六千人無地可容。悉縻纓組。溯國威之遠暢。瞻神貺之不昭。緬爾時呵護斯存。曾著翻營勝蹟。迨今日廢懸用薦。還依表碣雄風。秩我明禋。惟神歆格。乾隆二十五年月日。歲祭格登鄂拉文。

惟神位正金方。勢崇西極。鎮準噶爾之全部。夙著靈奇。導岡底斯之羣峯。丕宣氣化。職方未載。乃應運而

服懷柔。王會新圖。早報功而行刊旅。從巖在望。報饗宜虔。朕爰定遐荒。削平大漠。負陰抱陽之類。莫不尊親。出雲降雨之司。咸同覆載。惟格登山之雄峙。環伊犁河以高騫。地險爰標。神功攸懋。當奪壘擒生之日。助王旅以宣威。值磨崖紀績之辰。翼

天庥而效順。作屏遠服。載揚赫濯聲靈。考制名山。用展庶懸典物。令矢期而諏吉。俾時享以薦馨。康我邊陲。永秩春秋之祀。表茲絕域。式垂山海之經。雉譯咸通。鴻圖常固。聿將芬苾。庶克歆承。

阿勒坦額墨爾鄂拉。

阿勒坦額墨爾鄂拉。在格登鄂拉西。南與莎達巴接。薩瑪勒郭勒。策集郭勒。奎屯郭勒。左右環帶。乾隆二十八年秩于祀典。每歲春秋致祭。

歲祭阿勒坦額墨爾鄂拉文。

惟神鎮定邊隅。奠寧朔漠。東接格登之險。疊嶂崑嶠。南通莎嶺之雄。排雲峭嶮。坤元協吉。色偏應乎乾金。艮止常安。位乃居乎坎水。洵伊犁之保障。宜禋祀之優崇。朕撫恤準夷。綏來蕃部。自古職方有典。未服懷

柔于今王會新圖。如親刊旅。惟茲山之雄峙。爲絕域之殊觀。襟帶環流。束銀濤于策集。屏藩拱列。連碧巘之和羅。特詔祠官。用頒制帛。牲牢具備。遙申徧望之誠。俎豆維馨。永著宸懸之典。神其來格。鑒此明禋。

莎達巴。

莎達巴。在阿勒坦額墨爾鄂拉西南。濱伊犁郭勒東北岸。自庫隴奎鄂拉以下至此。皆在巴勒喀什淖爾南。伊犁郭勒環抱之間。

按自察罕布古圖鄂拉至此。爲博羅和洛鄂

拉西北支。

他巴爾遜達巴。

他巴爾遜達巴。在伊犁郭勒西南三百里。東距特克斯郭勒源二百里。西距圖斯庫勒一百里。其脈從汗騰格里鄂拉西行一百里至此。

察察圖達巴。

察察圖達巴。在伊犁郭勒西一百五十里。嶺脈從他巴爾遜達巴稍西北行。旋折東北。八十餘里至此。

圖賚愛古爾鄂拉。

圖賚愛古爾鄂拉。在察察圖達巴北四十里。伊犁郭勒南。

布喀鄂拉。

布喀鄂拉在圖賚愛古爾鄂拉西北。伊犁郭勒南。

唐書突厥傳伊犁河以西。受令于咄陸。咄陸可汗建廷鏃曷山西。

按龜茲爲今庫車。伊犁居其直北。隋書載龜

茲國西北六百餘里。爲突厥牙。似其牙在今

圖主伊犁郭勒西。唐伊犁河。卽今伊犁河也。然突

厥本傳又云。小可汗居龜茲北。其地曰應婆。

西。似所謂應婆者。仍卽今之伊犁。惟唐書載西

突厥又分二國。西部自立欲谷設。爲乙毗咄

陸。陸可汗。建北廷于鏃曷山西。是與啞利失部。

黑爾因伊犁河爲界者。所謂鏃曷山。必當在伊犁

河西矣。今之布喀鄂拉。東薄伊犁郭勒而又

近北。唐伊犁河西之北廷。宜建于此。若葉護

可汗。建廷雖合水北。謂之南廷。雖均在今伊犁郭勒西。而南北不同。又不可以不辨。

墨爾根西里鄂拉。

墨爾根西里鄂拉。在伊犁郭勒西南三百里。山脈自他巴爾遜達巴西北行。瀕圖斯庫勒北岸。西行二百餘里。折而北行一百里至此。塔拉錫克郭勒。發源山麓。

阿圭鄂拉。

阿圭鄂拉。在墨爾根西里鄂拉北四十里。伊犁

郭勒西。古爾班阿里瑪圖布拉克。發源北麓。

阿斯哈達巴。

自阿斯哈達巴。在阿圭鄂拉西北五十里。伊犁郭勒西南。阿斯哈郭勒。發源南麓。圖爾根布拉克。發源北麓。古爾班察布達爾布拉克。發源東麓。伊爾該圖鄂拉。

伊爾該圖鄂拉。在阿斯哈達巴西北五百里。伊犁郭勒下流西。奎屯郭勒。發源東麓。山脈自墨爾根西里鄂拉西北行。近傍伊犁郭勒西南二

面。連山相次。屈折至此。又西北入於砂磧。
渾都賴鄂拉。

渾都賴鄂拉。在圖斯庫勒西北。吹郭勒北岸。山脈從圖斯庫勒北岸諸山。分支及此。

庫古里克鄂拉。

庫克里克鄂拉。在渾都賴鄂拉東北一百里。

烏可克達巴。

烏可克達巴。在薩瓦布齊鄂拉西北。卓哈達巴北一百餘里。圖斯庫勒西面支河。發源於此。

額得墨克達巴。

額得墨克達巴。在烏可克達巴西一百里。與圖斯庫勒南境之山。東西相屬。嶺北泉流競發。卽塔拉斯郭勒源也。由是西行折北。當塔拉斯郭勒西南岸。連山相次。

庫穆什鄂拉。

庫穆什鄂拉。在額得墨克達巴西二百里。庫穆什郭勒發源東麓。

哈喇布拉達巴。

哈喇布拉達巴。在庫穆什鄂拉西二百里。哈喇
布拉郭勒。發源東北麓。

呼巴海鄂拉。

呼巴海鄂拉。在烏可克達巴北一百五十里。圖
斯庫勒西北。吹郭勒環抱之間。哈喇郭勒。發源
西麓。

漢書西域傳烏孫國大昆彌治赤谷城。溫宿國。
北至烏孫赤谷六百一十里。

魏書西域傳烏孫國。治赤谷城。在龜茲西北。

唐書地理志度拔達嶺又五十里至頓多城。烏
孫所治赤山城也。碎葉水北四十里。有羯丹山。

十姓可汗。每立君長於此。

按烏孫赤谷城。即赤山城。班史不詳其方位。

而溫宿國為今阿克蘇。則較然無疑。據溫宿

北至赤谷六百十里。魏書在龜茲西北之文。

証以唐書度拔達嶺五十里至赤山城之說。

則今阿克蘇北六百里外之呼巴海鄂拉。當

即所謂赤谷。一名赤山。亦曰羯丹山者是也。

呼巴海鄂拉。東薄圖斯庫勒。則自此以西。為五弩失畢部。所謂置五大俟斤居碎葉西者也。

巴噶布魯勒鄂拉。

巴噶布魯勒鄂拉。在塔拉斯郭勒下流之西。阿爾沙郭勒東。

伊克布魯勒鄂拉。

伊克布魯勒鄂拉。在阿爾沙郭勒西。與巴噶布魯勒鄂拉。東西相距二百餘里。由是西北行。沙

積彌望中。時露峯嶺。瞻望綿邈。不知紀極。

欽定皇輿西域圖志卷之二十二

欽定皇輿西域圖志卷之二十二

欽定皇輿西域圖志卷之二十三目錄

山四

天山南路

金嶺

都魯達巴

蘇巴什塔克

納林奇喇塔克

博羅圖塔克

楚輝塔克

欽定皇輿西域圖志卷之二十三 目錄

海都塔克

庫木什阿克瑪塔克

額格爾齊塔克

沙山

庫隴勒塔克

達蘭達巴

拜拉克塔克

山四 烏什噶克塔克

欽定皇朝西域圖志 卷二十三 目錄

愛呼木什塔克

庫克訥克達巴

布里博克濟塔克

鄂克阿特庫塔克

却爾噶塔克

圖格哈納達巴

哈喇裕勒袞塔克

額爾齊斯哈喇塔克

松塔什塔克

固勒扎巴什達巴

赫色勒額什墨塔克

英額齊盤塔克

密爾岱塔克

庫克雅爾塔克

貝拉塔克

奇勒揚塔克

和什塔克

薩納珠塔克

堅珠塔克

哈朗歸塔克

瑪雜爾塔克

蔥嶺

和什庫珠克達巴

烏魯阿喇特達巴

汗特勒克塔克

克伯訥克達巴

齊齊克里克達巴

特勒克達巴

杭阿喇特達巴

沙圖圖達巴

碩勒圖郭勒塔克

碩什達爾烏蘭達布遜塔克

聖界塔克

欽定皇輿西域圖志卷之二十三

山四

天山南路

金嶺

金嶺在闢展北境。嶺脈係天山分支。自廸化州東境之托克喇鄂拉。東出為都魯達巴。經土爾番城北。東至闢展四百餘里。凡闢展所屬諸城。皆以此山為屏障。亦皆藉此山之水。導之繞城以溉田園。

隨書高昌傳北有赤石山。山北七十里。有貪汗山。夏有積雪。

唐書地理志西州交河郡。開元中曰金山都督府。

宋史外國傳有水源出金嶺。導之周圍國城。以溉田園作水磴。

宋王延德高昌行紀。歷交河州。凡六日。至金嶺山口。寶貨所出。又兩日。至漢家砦。又五日。上金嶺。嶺上有龍堂刻石記云。小雪山也。嶺上有積雪。

行人皆服毛罽。度嶺一日至北廷。

按漢書西域傳。卑陸國。治天山東乾當國。

劉奉

世曰下國。字當作谷。

卑陸後國。治番渠類谷。郁立師國。

治內咄谷。西且彌國。治天山東于大谷。東且

彌國。治天山東兌虛谷。劫國。治天山東丹渠

谷。狐胡國。治車師柳谷。考諸國舊疆。卽今關

展所屬之蘇巴什。森尼木。汗和羅諸境。居金

嶺之北者。則所謂乾當。番渠類。內咄于大。兌

虛。丹渠。柳谷。應卽今金嶺以北。博克達鄂拉

東南一帶山谷。而乾當于大兌虛丹渠。云在

天山東。當與博克達鄂拉為尤近。唐書薛延

陀傳。載契苾哥楞為易勿真莫賀可汗。據貪

汗山。以隋書赤石山北七十里。有貪汗。汗為汗字

之山之文証之。則貪汗山。當即今之博克達

鄂拉。詳見卷二十一而其南七十里之赤石山。當即

唐地理志所謂金山。宋史所謂金嶺。其名至

今不易者。但考唐書稱自交河縣北八十里

有龍泉館。又北入谷百三十里。經柳谷。度金

沙嶺。則自縣北二百一十里至金沙嶺也。延

德行紀稱自交河州六日至金嶺口。又兩日

至漢家砦。又五日上金嶺。則自交河城十三

日行至金嶺也。疑當時自都魯達巴。至托克

喇鄂拉一帶總名金嶺。今則專屬關展諸城

之北山矣。

都魯達巴

都魯達巴。在交河城西北一百二十里。其脈從

迪化州東之托克喇鄂拉分支。迤邐而東。屬於

金嶺東西百里。西有圓澤周數里。名鄂蘭淖爾。其支流於嶺谷間。乃雅木什以西諸城屏障也。

按宋王延德高昌行紀。歷交河州。凡六日至金嶺口。又兩日至漢家砦。以今形勢証之。都魯達巴與漢家砦爲近。

蘇巴什塔克。

蘇巴什塔克。在關展南。自博羅圖納林奇喇諸塔克。迤邐東屬。經關展南境踰東界而止。爲關

關展南屏。過此而東南。皆沙磧矣。其北谷口。在托克三西南五十里。谷內有兩大石入谷行十里。微有水草。蓋古車師通焉者道也。

唐書地理志。自西州西南有南平安昌兩城百餘二十里至天山西南入谷。經礪石磧。

按唐西州。今爲關展蘇巴什塔克。在關展西南一百七十里。唐地理志稱西州西南入谷者。當指蘇巴什山谷而言。谷內兩大石。意卽所謂礪石也。又按自托克三西出有三道。其

一出伊拉里克。由阿拉癸鄂拉入谷口。經裕勒都斯。以抵伊犁。其一。經納林奇喇山口。踰博羅圖谷口。迤南以抵楚輝。其一。西南入蘇巴什谷口。踰庫木什阿克瑪塔克。亦抵楚輝。納林奇喇塔克。在蘇巴什塔克西五十里。其東谷口在托克三西南九十里。山峯最高處。爲額爾坤達巴。自谷口迤西南。齒峯如屏。博羅圖塔克。

博羅圖塔克。在納林奇喇塔克西五十里。當哈喇沙爾東北境。山多積雪。博羅圖郭勒發源北麓。乾隆二十六年。遣官告祭。每歲春秋致祀。入北谷口西行。通裕勒都斯。出西南谷口西南行。卽哈喇沙爾境。告祭博羅圖塔克文。維神體結坤輿。靈昭兌位。連峯峻峙。拔萬仞以倚天。積雪高攢。歷四時而浮玉。作花門之巨鎮。永奠西遐。界蔥嶺以中維。遙通南道。朕統臨縣寓。式廓輿圖。異

域歸仁。列嶂暨于闐之外。殊方在宥。興屯踰烏壘而遙。乃諸部之往來。仰崇山之綿亘。雖幽遐不閉。久已荷乎。

天休。而梯棧無虞。實更資乎神應。用申秩祀。練時日以薦馨。敬遣專官。肇廢縣而展告。自此途開九折。共遵王路之蕩平。亦惟寒斂六花。長被春風之和煦。丕彰臍蠶來鑒。苾芬。乾隆二十六年月日。

歲祭博羅圖塔克文

維神鍾靈遐域。正宅西陲。險關蠶叢。導我武維揚之

路。高踰龍阜。界殊方內屬之區。作巨鎮於回中。峯層嶂疊。通輿區于域外。棧接梯連。實惟名山。允宜嘉秩。朕八荒在闕。六合爲家。旣耆定乎準夷。遂全收乎回部。興屯更戍。宜安枕席以過師。駐牧游羣。當順涼暄而應候。惟神庥之是賴。仰靈貺之攸昭。爰伸圭幣之儀。登諸祀典。更肅春秋之祭。載在秩宗。並協柔懷。宜彰臍蠶。長此冰消寒玉。調燭被于光天。行當雷浹春膏。湛恩漸於絕徼。苾芬式薦。歆格斯承。

按博羅圖塔克與阿拉癸鄂拉南北相接。形

如鎖鑰。西通準部。南界回疆。闢展西南境一
大關隘也。

楚輝塔克。

楚輝塔克。在哈喇沙爾城北十里。阿拉癸鄂拉
分支也。奇爾歸圖郭勒。發源南麓。南流至楚輝
城東。資以灌田。

後漢書西域傳焉耆國。四面有大山。
按今哈喇沙爾。古焉耆國。楚輝塔克當其北。
是爲古焉耆國之北山。至周隋二書。所謂焉

耆國在白山南七十里者。指天山正幹而言。
又當在楚輝塔克北。以今之孟克圖達巴當
之。方位適合。

海都塔克。

海都塔克。在楚輝塔克西二百五十里。哈布齊
垓南。哈喇沙爾北。哈布齊垓郭勒。裕勒都斯郭
勒。咸會而南行。出此山之口。爲海都郭勒。山脈
自西九百里之汗騰格里鄂拉分支。東南行至
此。爲哈喇沙爾北屏。

水經注焉耆之北。敦薨之山。在匈奴之西。烏孫之東。

按哈喇沙爾。爲古焉耆。海都塔克正當其北。應爲古敦薨山也。

庫木什阿克瑪塔克。

庫木什阿克瑪塔克。在蘇巴什塔克北谷口西南一百四十里。自蘇巴什北谷。迤邐西南行十里。漸聞水聲。遍谷皆淺水。山勢漸狹。西厓壁立。人行其間。如一線天。又里許卽沙灘。又二十里。

有大石崎嶇者二處。車不能行。爲古車師國西境關隘。又二十里至艾噶爾布拉克。又五十里出南谷口。山脈自蘇巴什塔克分支西南行至此。

唐書西域傳焉耆國王龍突騎支不朝貢。命安西都護郭孝恪爲西州道總管。率兵出銀山道討之。地理志西州西南經礪石磧。二百二十里至銀山磧。

按回語庫木什銀也。阿克瑪積而不散之謂。

庫木什阿克瑪塔克。卽唐書所謂銀山磧也。郭孝恪進討焉耆。兵出銀山道。亦卽此地。

額格爾齊塔克

額格爾齊塔克。在庫木什阿克瑪塔克西南一百三十里。自庫木什阿克瑪塔克東口西行四十里。入南山之北口。折而東南。又迤邐西南行三十里出南口。又轉而西行六十里。至西山。下玲瓏怪石。徧地葦草。掘之得水。自此西南行入於沙磧。

晉書西戎傳焉耆國四面有大山。道險隘。百人守之。千人不過。

唐書地理志銀山磧四十里。至焉耆界呂光館。又經盤石。

按今庫木什阿克瑪。譯言銀山。額格爾齊塔克。有奇石。當庫木什阿克瑪西南境。卽唐書所云盤石也。呂光館雖不可考。然總在額格爾齊塔克東。據唐書稱焉耆國橫六百里。以今形勢考之。東自庫木什阿克瑪塔克。西至

庫隴勒。係焉耆全境。則自當以銀山磧爲東界。而呂光舊館。卽在其西可知。

沙山

沙山。在博斯騰淖爾南一百二十里。爲哈喇沙爾之南屏。山脈自額格爾齊塔克踰沙磧至此。岡巒亘互。西接庫隴勒塔克。

漢書西域傳山國。西至尉犁二百四十里。西北至焉耆百六十里。西至危須二百六十里。東南與鄯善且末接。山出鐵。民山居。寄田糴穀於焉

耆危須。

晉書西戎傳沙州刺史楊宣疆理西域。以部將

張植爲前鋒。所向風靡。軍次焉耆。熙焉耆國王名拒

戰於賁崙城。爲植所敗。植進屯鐵門。未至十餘里。熙又率衆先要之於遮留谷。植將至。或曰。谷名遮留。殆將有伏。單騎嘗之。果有伏發。植馳擊敗之。進據尉犁。

按漢書山國。民山居。師古注云。長在山下居。不爲城治也。更以焉耆危須尉犁三國相拒。

里數考之。焉耆為今哈喇沙爾。危須為今察罕通格。尉犁為今哈勒噶阿瑞。則此山國當在今沙山之東麓山谷間。所謂東南與鄯善且末接者。由沙山東南行入沙磧。正當古且末。鄯善國地也。至晉張植之伐焉耆。由沙州西北行次其國。當在焉耆東南境。今沙山居哈喇沙爾之南。其山東西相屬。則所謂遮留谷者。亦當在今沙山東南麓。由是西行而據尉犁。總在焉耆南境。若賁崙城故址。則不可

考矣。沙山以漢名相傳。非準回語云。

庫隴勒塔克。

庫隴勒塔克。在哈喇沙爾西南一百八十里。脈自沙山西走百餘里。至此勢極險峻。古焉耆以西諸國關隘也。

唐書西域傳。自焉耆西南步二百里。度小山。經大河二。又步七百里。至龜茲。

按庫隴勒在漢為尉犁國地。與額格爾齊塔克。東西環抱。所謂四面有山者也。東距哈喇

沙爾一百八十里。唐書所謂二百里小山者指此。又按自納林奇喇塔克至海都塔克爲哈喇沙爾北境之山。自庫木什阿克瑪塔克至庫隴勒塔克爲哈喇沙爾南境之山。西境皆抵海都郭勒。

達蘭達巴。

達蘭達巴在海都郭勒西八十里。哈勒噶阿璊城西北一百八十里。山脈自汗騰格里鄂拉東南行七百餘里至此。東與海都塔克接。

拜拉克塔克。

拜拉克塔克在達蘭達巴西北三百里。西裕勒

都斯支河發源北麓。南麓山脈自天山五峰之

烏什噶克塔克。

烏什噶克塔克在拜拉克塔克西一百里。西裕

勒都斯支河發源北麓。

哈喇庫爾達巴。

哈喇庫爾達巴在烏什噶克塔克西南一百里。

鄂頗爾西玉古爾北。巖厓高峻。爲天山支峯之

傑出者第納爾郭勒。伊蘭布拉克。發源南麓。

愛呼木什塔克。

愛呼木什塔克。在哈喇庫爾達巴西一百五十里。山形卑小。亦天山支峯。

庫克納克達巴。

庫克納克達巴。在愛呼木什塔克西五十里。額什克巴什郭勒發源南麓。山脈自天山正幹之額什克巴什鄂拉分支。東行六十里至此。布
里博克濟塔克。

布里博克濟塔克。在賽喇木城南。木素爾郭勒南岸。自圖格哈納達巴至此。山脈亦自西而東。鄂克阿特庫塔克。

鄂克阿特庫塔克。在布里博克濟塔克西。拜城西南。木素爾郭勒南岸。

却爾噶塔克。

却爾噶塔克。在鄂克阿特庫塔克西。木素爾郭勒西南。又西與圖格哈納達巴接。

圖格哈納達巴。

圖格哈納達巴在木素爾郭勒西四十里。山脈自天山正幹之薩瓦布齊鄂拉東南行二百里至此。出白鹽。色最瑩潔。遠近資之。

哈喇裕勒袞塔克。

哈喇裕勒袞塔克在圖格哈納達巴西南四十里。亦小山也。

唐書西域傳龜茲國西三百里度石磧。

按此與圖格哈納南北相屬。在庫車西三百里外。庫車爲古龜茲。則唐書所載龜茲國北

三百里之石磧。當與今哈喇裕勒袞塔克相近。又按東自達蘭達巴至此。峯巒層疊。山北卽裕勒都斯全境。泉源迭發。裕勒都斯郭勒在古爲鷹娑川。則此一帶山嶺。應屬唐時鷹娑都督府之南屏也。

額爾齊斯哈喇塔克。

額爾齊斯哈喇塔克在烏什西。色帕爾拜西南五十里。山形卑小。當孔道。由此踰天山而北。爲伯得里克鄂拉。又折而西。通布魯特境。

松塔什塔克。

松塔什塔克。在額爾齊斯哈喇塔克西南四十里。北當孔道。因山名地。亦稱松塔什。

固勒扎巴什達巴。

固勒扎巴什達巴。在松塔什西南一百里。為烏什西南屏。山脈自喀克沙勒鄂拉分支。東南行經托什干達里雅南。連山不斷。至此嶺尤陡絕。高數百丈。層峯插天。東行為松塔什塔克。額爾齊斯哈喇塔克。踰烏什而東四百餘里。抵托什

干達里雅西境。其脈始盡。

按漢書尉頭國。南與疏勒接。山道不通。尉頭為今烏什。疏勒為今喀什噶爾。說見疆域今。自烏什西南之固勒扎巴什達巴。東南行踰三烏什而東。山脈始盡。此山之南沙磧千里。為古疏勒東境。即唐書所謂疏勒國環千里。多沙磧。少土壤者。以此揆之。則自烏什南山。迤西至固勒扎巴什達巴。更西南一帶之山。正當漢時尉頭疏勒兩國間。即漢書謂山道不

通者。今固勒扎巴什達巴以西。山徑崎嶇。艱於步陟。形勢猶可想見。

赫色勒額什墨塔克。

赫色勒額什墨塔克。在固勒扎巴什達巴西南三十五里。

英額齊盤塔克。

英額齊盤塔克。在葉爾羌西南。英額齊盤西十里。與裕勒阿里克塔克東西相望。俱在葉爾羌。諤斯騰西境。其南境爲裕勒阿里克塔克。

密爾岱塔克。

密爾岱塔克。舊音闢爾塔克。在葉爾羌東南。產玉石。由是東行接和闐南境諸山。俱產玉。

庫克雅爾塔克。

庫克雅爾塔克。在裕勒阿里克塔克東南。庫克雅爾南。聽雜阿布諤斯騰發源山中。

貝拉塔克。

貝拉塔克。在庫克雅爾塔克東北。貝拉南。魯楚克西南境。

奇勒揚塔克

奇勒揚塔克。在貝拉塔克南。庫克雅爾塔克東。
庫克雅爾奇勒揚兩塔克以南。為痕都斯坦界。
和什塔克。

和什塔克。在奇勒揚塔克東北。葉什勒庫勒。發
源東麓。

薩納珠塔克。

薩納珠塔克。在薩納珠東南。自英額齊盤塔克
至此。東西綿亘。為葉爾羌南境諸山。皆由蔥嶺

分支。東南行六百餘里。接和闐南境諸山。

堅珠塔克。

堅珠塔克。在和闐西南境。阜窪勒西南。薩納珠
塔克東二百里。

哈朗歸塔克。

哈朗歸塔克。舊音哈朗圭。在和闐西南境。阜窪
勒南。又東南為額什墨提斯塔克。皆屬和闐南
境之山。亦自蔥嶺分支。過葉爾羌南境諸山。又
東行至此。和闐郭勒。出其北麓。

後漢書西域傳河有兩源。一出于賓南山下。

魏書西域傳蒲山國西南三里。有凍凌山。

唐西域記王城西南二十餘里。有瞿室餒伽山。

此言牛角

山峯兩起。巖隙四絕。牛角山巖有大石寶。

近者崖墜。掩塞門徑。國王興兵欲除墜石。卽黑蜂羣飛。毒螫人衆。以故至今石門不開。

按今和闐南境之山。爲堅珠。哈朗歸。額什墨。提斯諸塔克。則後漢書所謂于賓南山者也。魏時蒲山國爲今皮什南。皮雅勒。阿勒瑪等。

處。所謂凍凌山者。當在其西南境。至唐西域記。載有瞿室餒伽山。在王城西南二十餘里。今和闐額里齊城西南一百六十里。地名皮什南。城居山谷。皮什南與瞿室餒伽字音相近。方位亦符。兩峯四絕之形勢。猶有存者。是唐西域記之瞿室餒伽山。當在今皮什南之南。爲堅珠。哈朗歸。額什墨。提斯諸塔克也。漢書所謂河源出南山下者。于此可考。詳卷二十八水門。自和闐南山東南行峯嶺連綿。相屬於沙

積之區。經五千餘里。與安西南路之南山接。
瑪雜爾塔克。

瑪雜爾塔克。在和闐郭勒西三百里。爲和闐北
屏。山不甚高。產火硝。不當孔道。

魏書西域傳于闐地方亘千里。連山相次。

按自瑪爾占鄂勒氏西行至瑪雜爾塔克。迤
邐而西。連山不斷。直抵葉爾羌。謬斯騰。當屬
于闐北界。魏書所謂連山相次者以此。

蔥嶺。

蔥嶺。一名極疑山。在天山西南。與南山會合處。
連岡疊嶂。數百餘里。起伏迤邐。高者上薄霄漢。
爲西域西境之屏障。今喀什噶爾葉爾羌。正西
一帶諸山皆是也。喀什噶爾葉爾羌兩河。皆發
源於此。其間土名。隨地而殊。於古總謂之蔥嶺。
漢書西域傳西域三十六國。西則限以蔥嶺。其
河有兩源。一出蔥嶺山。又南道西踰蔥嶺。則出
大月氏安息。北道西踰蔥嶺。則出大宛。康居。奄
蔡。

水經注蔥嶺高千里。西河舊事曰蔥嶺在敦煌西八千里。其山高大。上生蔥。故曰蔥嶺也。河源潛發其嶺。分爲二水。

唐書西域傳蔥嶺。俗名極疑山。環喝盤陀國。開元中置蔥嶺守捉。安西極邊戍也。

唐西域記蔥嶺者。據南瞻部洲中。南接大雪山。北至熱海千泉。西至活國。東至烏鐙國。東西南北各數千里。崖嶺數百里。幽谷險峻。恒積冰雪。寒風勁烈。多出蔥。故謂蔥嶺。又以山崖蔥翠。遂

以名焉。

按蔥嶺爲西域名山之尤著者。自魏書稱于闐在蔥嶺北。後世遂指南山爲蔥嶺。今考漢書云。西域南北有大山。東則接漢。阨以玉門陽關。西則限以蔥嶺。夫玉門陽關在西域正東。而與蔥嶺對舉。則蔥嶺在正西可知也。又云。河源一出蔥嶺山。一出于闐。于闐在南山下。其河北流。與蔥嶺河合。東注蒲昌海。夫曰南山。明蔥嶺之爲西山。曰于闐河北流。明蔥

嶺河之東流。而蔥嶺之在西益可知也。卽以水道証之。水經注河源潛發其嶺。分爲二水。今喀什噶爾。葉爾羌兩河。正發源西山。果分二水。又隋西域圖記序云。其中道從高昌焉耆。龜茲。疏勒。度蔥嶺。又經饜汗諸國。達西海南道。從鄯善。于闐。朱俱波。喝盤陀。度蔥嶺。又經護密諸國。達西海。與漢書南北道俱踰蔥嶺之說合。是亦西山爲蔥嶺之明証。一統志謂漢時指今土爾番西海杜河所出之山爲

干。蔥嶺。然考海杜河卽海都郭勒。在哈喇沙爾東南。與葉爾羌西之蔥嶺無涉。漢書亦本無此說。又謂漢時于闐南山。指今塔里木河所出。魚魯之地。亦有未盡深考者。辨詳卷二十八葉爾羌。謬斯騰條下。和什庫珠克達巴。舊音霍斯庫魯克。在蔥嶺中。阿喇楚勒東一百里。山場寬廣。峯嶺殊峻。乾隆二十四年。叅贊大臣毅勇公明瑞。敗賊於此。詳

見卷十七疆域。

唐書西域傳由疏勒西南入劍末谷。不忍嶺。

按今喀什噶爾爲古疏勒西境。由是西南行。山徑相屬。而什和庫珠克達巴尤稱超峻。所謂劍末谷。不忍嶺者。當於此爲近。

烏魯阿喇特達巴。

烏魯阿喇特達巴。在喀什噶爾西北境。爲蔥嶺東北分支處。由是東北行爲天山正幹。本無出。汗特勒克塔克。

汗特勒克塔克。在英噶薩爾城西百餘里。蔥嶺東境分支也。又有特勒克奇塔克。齊特克塔克。俱與汗特勒克塔克相屬。其英噶薩爾城南之山。曰烏拉齊塔克。曰裕魯塔克。曰洮野柳塔克。曰阿齊克塔克。西南二面山口。皆通拔達克山。路。

克伯訥達巴。

克伯訥克達巴。在喀什噶爾西境外一百里。其東五十里爲哈喇塔克。

齊齊克里克達巴。

齊齊克里克達巴。在哈喇塔克東一百里。當孔道北。

特勒克達巴。

特勒克達巴。在齊齊克里克達巴東一百里。當

孔道北。

杭阿喇特達巴。

杭阿喇特達巴。在特勒克達巴東一百里。當孔道北。又東南行接葉爾羌南境諸山。

按蔥嶺。周遭廣遠。峯巒迴抱。名難悉舉。如和什庫珠克達巴以下。其最著者。山脈自拉藏以西之岡底斯山。東北行。綿亘至此。其向東。京南分支者。卽葉爾羌和闐南境諸山。又東南。行爲沙圖圖達巴。地入沙磧。

沙圖圖達巴。

沙圖圖達巴。在和闐東南。自和闐東境之塔克村。東踰葉什勒淖爾。又東行沙磧六百里。至沙圖圖達巴。迤北。岡巒相屬不絕。

碩勒圖郭勒塔克。

碩勒圖郭勒塔克。在沙圖圖達巴東北三百餘里沙磧中。

碩什達爾烏蘭達布遜塔克。

碩什達爾烏蘭達布遜塔克。在碩勒圖郭勒塔克東南二百五十里沙磧中。

按自和闐東南行至此。直北七百餘里。至羅布淖爾南境。沙磧中山嶺綿亘。其自東折而北者。亘千有餘里。與安西府西南境之南山

相屬。

欽定皇輿西域圖志卷之二十三

欽定皇輿西域圖志卷之二十四目錄

水一

藥水泉

安西南路

白楊河

惠回堡河

火燒溝

赤金湖

石油河

蘇賴河

昌馬河

布魯湖

十道溝

窟窿河

南籍端水

黑水河

宮阜河

水一藥水泉

大清宣統元年四月二十四日錄

東長流水

烏拉大泉

蘆岡泉水

月牙泉

安鹽池

懸泉

黨河

渥洼水

哈喇淖爾

巴顏布拉克

龍勒水

色爾騰海

噶斯淖爾

安西北路

半池泉

西長流水

賽巴什湖

南湖

柳樹泉

鞭桿泉

必柳布拉克

巴克塔什布拉克

哈里勒齊馬克布拉克

阿納爾布拉克

哈套布拉克

烏拉台布拉克

哈什馬克布拉克

察罕喀什馬克布拉克

和賴布拉克

塔勒納沁郭勒

納林烏里雅蘇台布拉克

和洛魯克布拉克

哈喇亥圖布拉克

塔里雅圖布拉克

納林布拉克

庫克雅爾布拉克

薩勒奇台布拉克

博羅布爾噶蘇布拉克

巴爾庫勒淖爾

圖爾庫勒

托來布拉克

哈畢爾噶布拉克

烏爾圖布拉克

阿拉克椿濟郭勒

哈拉烏蘇

欽定皇輿西域圖志卷之二十四
和尼烏蘇

欽定皇輿西域圖志卷之二十四

水

臣等謹按大地之勢西北高而東南下東南號稱澤國若蒙汜荒墟斥漠千里宜不足於水者以今審論殊不謂然蓋內地之水東流就下而西域之水則東西並流者也內地之水隄防宣洩兼賴人功而西域之水則高下浮沈專憑地勢者也內地之水深淺有定而西域之水則時因水雪消融成渠冬夏盈虧者也內地之水土

地堅韌。伏流鮮少。而西域之水。則滲入沙磧。或
伏或現。發之無常時。出之無常候者也。是故語
其大則洪濤駭浪。周圍數百里。經流數千里。而
湔澆滌澗之勢成。語其細。則纖波斷流。縷分數
十道。泛溢數十區。而滌泅泮渙之形著。是不惟
資以利用。抑且劃爲地險。襟帶絕徼。古而然矣。
我
聖朝德威遠被。蒲海風清。援据星輶所經。尋波別派。
知昔人所謂蔥嶺以東。水皆東流。蔥嶺以西。水

皆西流者。大率緣山而發。就下而趨。馮爲長河。
瀦爲巨浸。而審其經絡。要皆各有所歸耳。竊惟
漢桑欽作水經。承二百四十四家之紀載。其書
汗漫。未易殫詳。然其首著河源。出蔥嶺于闐。分
南北河。經疏勒莎車諸國而東者。証以今時形
勢。則較然符合。爲之疏通貫注。備悉指歸。復參
以他書之說。庶幾經緯非誣。而源流可証。由是
刊張騫不根之論。擴都實拘墟之詞。紀之以藪
浸。而國辨居行。疏之以渠塘。而人兼耕牧。卽我

欽定皇輿西域圖志卷之二十四
國家清晏之隆。所以暨訖於無外者。不由茲可見
哉。志水第七。

水一。出於南山。合流三十五里。由隴西南。東出。計
安西南路。隴山。西三十里。至玉門。隴南
白楊河。
白楊河。在玉門縣惠回堡南六十里。南山中。河
有二源。東南流二十五里。合流十餘里。當孔道。
折而西南流四十里。名哈洮河。
惠回堡河。
惠回堡河。源出惠回堡北山中。西南行四十餘

欽定皇輿西域圖志卷之二十四

水一。出於南山。合流三十五里。由隴西南。東出。計

安西南路。隴山。西三十里。至玉門。隴南

白楊河。

白楊河。在玉門縣惠回堡南六十里。南山中。河

有二源。東南流二十五里。合流十餘里。當孔道。

折而西南流四十里。名哈洮河。

惠回堡河。

惠回堡河。源出惠回堡北山中。西南行四十餘

里至惠回堡北。分東西流。夾堡而趨。各南流三十餘里。入於地。

火燒溝。

火燒溝。在駙馬城西三里。南流二十餘里。入於地。

赤金湖。

赤金湖。在駙馬城西三十七里。源在玉門縣南草地。有數派。合流三十五里。由縣西南境北行。逕赤金峽。醜爲三渠。北流各三十里許。至縣西

北境。復合流而西。又一支流自縣西南境分流。逕縣南。東行三十餘里。折而北。醜爲二渠。北流各三十里許。過縣東境。復合流而西。與西三渠合流之水。合。復折而東北。流三十里。統名赤金湖。入于阿拉克池。亦名花海子。其隸縣西境最西一渠。名曰西沙河。會水合赤金湖。由玉門縣。寰字記。玉門縣有衆泉。北流入延興海。一統志。西几馬河。在赤金所西。源出所南草地。有數派。會流而北。又折東北三百里。注於阿拉

克池。又哈濟爾河。在所東。上流亦有數派。北流折東北。亦注於阿拉克池。池周數十里。

按玉門縣地。兼漢時會水池頭兩縣。闕駟注云。衆水所會。故曰會水。今赤金湖。由玉門縣南分五渠。環縣城北行。曲折入北山中。其下合流地名花海子。以形勢求之。應卽漢書注所謂衆水所會。寰宇記所云衆泉北流者。又考一統志載西几馬河在赤金所西。哈濟爾河在所東。源有數派。北流合注阿拉克池。蒙古

蘓離語謂花爲阿拉克。是今花海子。卽阿拉克池。亦卽寰宇記之延興海也。

石油河。合且石漆。石油河。在玉門縣南九十里。南山中。東北流三十里。西有龍王廟。

劉昭郡國志延壽縣南有山石出泉。注地爲溝。其水肥如煮肉泊。肉汁也凝膏然之極明。不可食。謂之石漆。

元和志石脂水。在玉門縣東南一百八十里。泉

中有苔如肥肉。然之極明。水上有黑脂。人以草蓋取。用塗鷓夷酒囊。及膏車。周武帝宣政中。突厥圍酒泉。取此脂然火。焚其攻具。得水愈明。酒泉賴以獲濟。

〔明一統志〕石油。出肅州南山。

按石脂水在玉門縣東南。與今石油河方位適合。且石漆石脂石油。義本相同。其爲然膏舊迹。無可疑者。

蘇賴河。

蘇賴河源在玉門縣靖逆城東南三百二十里。出南山中。西北流百餘里。昌馬河東北入之。合流二十餘里。出南山口。分兩大支。其東北一支。行七十里。折而北。又分二支。北流六十里。出塔兒灣堡之西北境。河流漸細。其西北一支。直趨三四道溝。合流入布魯湖。又南會十道溝水。又南會窟窿河。又西經安西州治北三十里。爲南籍端水。又西經敦煌縣治西北二百里。南會黨河。又西流三十里。入哈喇淖爾。初兩河合流出

山西北一支。東流三十里。分爲靖逆東西二渠。不通布魯湖。而溉田甚廣。乾隆四年。接引西渠餘水。折北而西。仍入布魯湖。於是蘇賴昌馬兩河下流。分而復合。經流一州二縣之地。土田悉資灌溉。水利倍饒。

按蘇賴與昌馬合流。而蘇賴之名較著。尋其源委。則自濫觴南山。歸墟黑海。皆可以蘇賴名之矣。第如十道溝。窟窿河。黨河。自南來會。同流異源者。又當別爲一河。卽以蘇賴經流

八全體而論。在柳溝衛城東北者。古稱布魯湖。在安西州城北者。古稱南籍端水。雖以古証今。其名或著或畧。而審定形勢。則較然不誣。十道允宜隨地立名。以資考証。今舉全河經流形勢於此。而因地著名之蹟。仍分著於後焉。

昌馬河。

昌馬河。源在靖逆城西南一百五十里南山下。東北流百里。與蘇賴河合流二十里出山。餘詳見蘇賴河條下。

布魯湖。

布魯湖在柳溝堡東北一百二十里。卽蘇賴昌馬兩河下流。經行渟澹之處。澄波千頃。葭葦彌望。浴鳧飛鷺。宛然澤國。由是西行。踰柳溝城爲古南籍端水。

十道溝。

十道溝。在玉門縣安西州交界。二道溝以東。屬玉門縣。三道溝以西。屬安西州。草地湧泉。北流入於布魯湖。其第三四道溝。南承昌馬河上流。

夾柳溝堡城而北注。所謂柳溝。卽第四道溝。舊多檉柳。故名也。隸玉門縣者。一道溝。東距縣城一百五十里。二道溝。東距縣城一百六十里。隸安西州者。三道溝。西距州城二百五十里。四道溝。西距州城二百三十里。五道溝。西距州城二百二十里。六道溝。西距州城二百十五里。七道溝。西距州城二百十里。八道溝。西距州城二百里。九道溝。西距州城一百七十里。十道溝。西距州城一百六十二里。

按漢書淵泉縣注。闕駟云。地多泉水。蓋卽指此。

窟窿河。

窟窿河。在安西州雙塔堡東。西距州城一百三十里。東西分流。經雙塔堡東入蘇賴河。內多窟穴。上小下大。深邃不測。盤渦湍急。流不及遠。南爲土葫蘆溝。卽窟窿河發源處也。

明史西域傳。成化九年。都督哈森舊作罕慎。今改正。及

齊勤舊作赤斤。今改正。罕東諸部。集兵進討土魯番。兵

至布隆吉爾舊作布隆吉兒。今改正。川。

按柳溝衛城。地名布隆吉。亦稱布隆吉城。窟窿河居其西。亦稱布隆吉河。明史布隆吉爾

元川。卽謂此水也。

南籍端水。

南籍端水。在西安州治北。上承布魯湖。西出之水。經流安西州全境。亦蘇賴馬昌兩河下流也。又西行會南岸河渠三道。西南流。西距州城六十里。曰屯田渠。長九十里。繞州城南。西注瓜州

五堡間。又東踰小灣堡五里。曰回民渠。長六十里。經瓜州五堡南。又東二十里。曰餘丁渠。長三十五里。自南籍端水西行。會黨河。入哈喇淖爾。〔漢書地理志〕冥安縣。南籍端水出南羌中。西北入其澤。

〔元和志〕晉昌縣冥水。自吐谷渾界流入大澤。東西二百六十里。南北六十里。

按蘇賴昌馬二河。舊經五衛故地。在今安西州北者。概謂之蘇賴河。顧考今安西州。舊爲

淵泉縣。卽漢冥安縣。唐晉昌縣地。則此州北經流之水。爲漢之南籍端水。唐之冥水無疑。〔漢書〕云。出南羌西北入澤。〔元和志〕云。自吐谷渾界流入大澤。皆舉其全體言之耳。

黑水河。

黑水河。在安西州東南九十里。水色微黑。有魚。發源迤東之沙窩。西流入蘆水溝。河上有橋。名黑水橋。厥名頗著。

宮阜河。

宮阜河。在安西州踏實堡南二十里南山下。有三道。南通金雞嶺。西南有毛兔泉。北距州城一百七十里。又西南有蛇窩泉。北距州城一百三十里。

藥水泉。

藥水泉。在石包城東。泉有二源。北流合一。又北流爲水峽。又州治東南一百四十里有大泉。南三百五十里有塔兒泉。

漢書地理志酒泉郡。注應劭曰。其水若酒。故曰

酒泉也。師古云。舊俗傳云。城下有金泉。泉味如酒。

入按一統志載藥泉。在沙州衛東南石堡城。味略如酒。相傳飲之愈疾。疑藥泉。卽漢書酒泉金泉之舊。

茨窩泉。

茨窩泉。在安西州城北五百里。

東長流水。

東長流水。在茨窩泉西北五十里。東南距州城

一百里。

烏拉大泉。

烏拉大泉。在安西州青山子北七十里。東南距州城七百二十里。

蘆岡泉。

蘆岡泉。在烏拉大泉西北九十里。東南距州城八百十里。接哈密界。

魏書高昌傳高昌王馬儒求內徙。割伊吾五百里。以儒居之。至羊榛水。

按伊吾爲今哈密。自伊吾五百里至羊榛水。宜在今哈密東南五百里之地。今蘆岡泉西北。去哈密約五百里。疑與古羊榛水爲近。

月牙泉。

月牙泉。在敦煌縣南鳴沙山麓。南隣黨河。淵渟澄澈。映月無塵。環以流沙。雖遇烈風而泉不爲沙掩。舊傳水產鐵背魚。七星草。服之可長生。

肅州新志月牙泉。人亦呼爲藥泉。

按肅州新志載月牙泉。人亦呼爲藥泉。今月

牙泉在敦煌縣南。藥泉在安西州東南。一統志亦二泉分載。而肅州志謂月牙泉亦名藥泉者。以其產有七星草。故並得是名歟。又考今敦煌縣城東北一百四十里。百齊堡南。有小湖。北近坡陀。圓可周數里。同名月牙。蓋緣磧地山泉濬發。所在多有。不同源而名號偶符。亦無可疑者。

鹽池

鹽池。在敦煌縣東四十七里。池中鹽常自生。百

姓仰給。又黨河西四十里。有西鹽池。四面皆沙山。

懸泉

懸泉。卽今水碓。在敦煌縣東一百三十里。

敦煌耆舊記水有懸泉之神。

元和志懸泉水。在沙州東北一百三十里。出懸泉山。漢將李廣伐大宛還。士衆渴乏。引佩刀刺山。泉飛湧出。

按懸泉之名。於古最著。今敦煌卽沙州故城。

疆詳見則自圪塔井空心墩南境之山。在敦煌縣直東迤北境上者。應卽懸泉山。山中水碓。應卽懸泉。爲漢李廣刺山湧泉故處也。

黨河。

黨河。在敦煌縣城西七十里。源出縣東南山中。北流二百餘里。又西流百餘里。東北會龍勒水。又北流出山爲黨河口。又北流至敦煌縣城西。又北流百餘里入蘇賴河。西入哈喇淖爾。東分二大渠。曰永豐渠。長三十二里。經縣城南。折而

東。曰大有渠。長四十二里。經縣城北。西分三大渠。曰通裕渠。長二十里。曰慶裕渠。長十七里。曰普利渠。長二十三里。其下流東岸復分四小渠。曰窰溝渠。曰伏羌舊渠。曰伏羌新渠。曰莊浪渠。溉田甚廣。卽古氏置水也。一名都鄉河。其合流入哈喇淖爾處。名葫蘆河。漢書地理志敦煌郡龍勒縣氏置水。出南羌中。東北入澤。溉民田。

五代高居誨使于闐記瓜州南十里鳴沙山。西

渡都鄉河。至陽關。

按敦煌縣西境。卽漢龍勒縣地。今敦煌縣境內之水。無大於黨河者。其爲漢氏置水無疑也。黨河出南山。入哈喇淖爾。卽漢書出南羌東北入澤之遺蹟。其傍水分渠。水利廣饒。所謂溉民田者也。鳴沙山在今敦煌縣東。黨河在其西南。北流。則高居誨自鳴沙山西渡之。乘都鄉河。亦非此莫屬也。惟黨河出山至河口。東皆西北流。至敦煌縣西。則北入哈喇淖爾。而

漢書乃云東北入澤。似未全合。然考漢龍勒其故城。在今黨河之西。河流經其東。則漢書所謂東北入者。據其經流龍勒縣境者而言。謂在縣境之東而北入大澤耳。非謂全水形勢皆如是也。唐岑參苜蓿峯寄家人詩云。葫蘆河上淚霑巾。苜蓿峯爲今五峯之一。葫蘆河與之相近。今黨河下流哈喇淖爾一帶濱河之地。名呼嚕蘇台。河蓋以地而得名者。以葫蘆蘆目之。乃音轉之訛耳。

渥洼水。

渥洼水。在敦煌縣界。生天馬。

漢書武帝紀元鼎四年秋。馬生渥洼中。作天馬之歌。注李斐曰。南陽新野有暴利長。當武帝時遭刑。屯田敦煌界。數於此水旁。見羣野馬中。有奇異者。與凡馬來飲此水。利長先作土人。持勒鞞於水傍。後馬玩習久之。代土人持勒鞞。收得其馬。獻之。欲神異此馬。云從水中出。

按渥洼水遺跡無可考。李注稱暴利長以屯

乘田得之。宜在敦煌境內。水草耕牧之地。今黨隰河分五大渠。溉田甚廣。黨城為效穀故縣。以勤效得穀。其為當時屯種蓄牧之地。無可疑。者。則渥洼水或即氏置之支流。與今黨河相近者與。

哈喇淖爾。

哈喇淖爾。

淖爾。蒙古古語。謂池也。餘做此。

在敦煌縣西北。距縣

城二百八十里。左右週遭。小渚六七。有三大源。曰蘇賴河。曰昌馬河。曰黨河。皆出南羌中。歸墟

於是蘇賴河水自靖逆城東南三百里出山北流至柳溝堡折而西南流會十道溝水繞安西州北過敦煌縣西北入於淖爾昌馬河水自靖逆城南二百二十里東北入蘇賴河同入於淖爾黨河水自安西州南四百里出山西北流過黨河口至敦煌縣西北爲呼嚕蘇郭勒會蘇賴河同入淖爾三河大概分東西二支經流一州二縣包絡羣山內資灌溉外控形勢支流成渠旁水咸彙過此以西則地多沙磧矣

按漢書南籍端水氏置水皆西北入澤所謂澤者即指哈喇淖爾而言淖爾當安西州之西北境諸水東南入之形勢方位適合也

巴顏布拉克

巴顏布拉克布拉克謂泉也蒙古語在敦煌縣城西南八十里黨河口西四十里東傍紅山又西五十里有多布溝山中出泉南北環流當孔道

龍勒水

龍勒水在敦煌縣古城南一百八十里龍勒山

下其水南流會黨河入於哈喇淖爾。

元和志壽昌縣有龍勒水在縣南一百八十里

龍勒山下。

按古城為龍勒故城。

說見卷八疆域。

則古城南境之

水當為龍勒水也。又水出山而南流亦與元

和志水出龍勒山之說合。

以上屬安西州。

色爾騰海。

色爾騰海在敦煌縣西南境外三百餘里。水出

南山之陰西北流。瀦為大澤。四周有山圍繞。水

不長流。西八十里別有圓澤。名小色爾騰海。西

南三百里有鹽池。

按唐書地理志載鹽池之名不一。其在安西

州西境外者。有納職縣南六十里之陸鹽池。

今流沙以西。古鄯善國地。在唐為納職縣。與

所謂陸鹽池。方位相合。疑足當之。然按蒲昌

海。一名鹽澤。漢書謂其潛行地中。水經注謂

其地廣千里。皆為鹽而剛堅。握發其下。有大

鹽如巨桃。亦當納職之境。則唐書所稱陸鹽池者。又應指此。而非色爾騰海西南之鹽池也。

噶斯淖爾。

噶斯淖爾。在小色爾騰海西七百里。其澤周迴二百里。支流三道。西南行百餘里。北二百里至羅布淖爾。

唐書地理志。自納職縣西。經獨泉。東華。西華。駝泉。渡茨萁水。過神泉。三百九十里。有羅護守捉。

按兩色爾騰海。鹽池。噶斯淖爾諸水。皆在敦煌縣西。古玉門關外。卽唐以鄯善故城置之。納職縣地。所謂獨泉。東華。西華。駝泉。茨萁水。神泉者。疑是其遺蹟也。

以上屬安西州西境外地。

安西北路。

半池泉。

半池泉。在安西州北蘆岡泉西北七十里。西距哈密城六百三十里。

西長流水

西長流水。在格子煙墩西北七十里。西北距哈密城一百三十里。源出天山南麓。西南流入於沙磧。

明一統志輝和爾
兒。舊作畏。今改正。河。在哈密城東一百三十里。沿河沙柳葑蔚。

按輝和爾河與今西長流水。距哈密里數相合。疑為一水。與哈密城東鞭桿必柳諸河。同屬山泉之分支。而西長流水。經流較遠。且當

道。又明一統志載娘子泉。在輝和爾河東。土

人呼為哈屯。舊作可敦。今改正。布拉克。今無考。附見

於此。

賽巴什湖

賽巴什湖。在哈密城東北二十里。湖分三渠。曰大榆樹溝。曰小榆樹溝。曰廟兒溝。雍正十二年開濬。渠成。西流入於南湖。上建老閘。鴛鴦閘。以時蓄洩。小榆樹溝老閘洩水。半溉鴛鴦閘地畝。半由北渠迴流以溉東渠地畝。廟兒溝老閘洩

水以溉一百顆樹地畝。餘水由西老開宣洩。以溉鴛鴦開地畝。秋後山泉稀少。復治盤道。以大榆樹溝水。改入盤道。用溉秋田。冬至後聚冰灘。數十處。以資春種。有屯田。見屯政門。

南湖

南湖在哈密城南二十里。賽巴什湖東來入之。又匯南山口以西諸泉。折而西流。二百里。為沙磧所限。

元和志伊州東北四澗水並南流。至州南十八

里。合流為一水。側近皆有良田。

按元和志不載四澗水名。而云在伊州東北。與今賽巴什湖方位相符。則賽巴什湖之三渠。當即四澗舊地。其南流至州南而合者。即今賽巴什湖之入於南湖者也。又按一統志載哈密東門外有黑水河。土名喀喇烏蘇。敦煌隨筆載哈密城外東有關干水。西有蘇巴什湖。夾流十餘里。匯於南湖。以今形勢考之。則關干水當即黑水河。與所謂蘇巴什湖。皆

賽巴什湖之支流環城而會於南湖者非賽巴什湖之外別有蘇巴什湖亦非賽巴什湖分流達於南湖之外別有關于黑水諸河也

柳樹泉

柳樹泉在哈密城南六十里其西境傍近南湖水草豐縟

鞭桿泉

鞭桿泉在南山口東四十里源出塔什達巴南麓西南流會必柳泉入賽巴什湖

必柳布拉克

必柳布拉克在鞭桿河東三十里出必柳達巴南麓西南流會鞭桿泉入賽巴什湖

恩按布拉克蒙古語即泉也志中凡以漢語名恩者係以泉如柳樹鞭桿之屬以蒙古語名者係以布拉克如必柳巴克塔什之屬庶各以類從稱名較順云

巴克塔什布拉克

巴克塔什布拉克在南山口東一百里源出天

山南麓南流入沙磧。

哈里勒齊馬克布拉克。

哈里勒齊馬克布拉克。在巴克塔什布拉克東

二十里。源出天山南麓。南流入沙磧。

恩納爾布拉克。

恩納爾布拉克。在哈里勒齊馬克布拉克東十

里。源出天山南麓。南流入沙磧。

哈套布拉克。

哈套布拉克。在恩納爾布拉克東十五里。源出

天山南麓。南流入沙磧。

烏拉台布拉克。

烏拉台布拉克。在哈套布拉克東十里。源出天

山南麓。南流入沙磧。

哈什馬克布拉克。

哈什馬克布拉克。在烏拉台布拉克東十五里。

源出天山南麓。南流入沙磧。

察罕哈什馬克布拉克。

察罕哈什馬克布拉克。在哈什馬克布拉克東

二十里源出天山南麓南流入沙磧。

和賴布拉克。

和賴布拉克在察罕哈什馬克布拉克東五里。

源出天山南麓南流入塔勒納沁河。

按自鞭桿河至此泉皆南流滲入沙土山南

之地資其灌溉水利頗饒。

塔勒納沁郭勒。

塔勒納沁郭勒。

郭勒蒙古語謂河也餘做此

在塔勒納沁鄂

拉南北麓分流出山其南流分兩源經二十里

合而西南行當格子烟墩之北其北流出山亦

分兩源東流界塔勒納沁德都摩垓之間行十

五里而伏西流為長渠百里至哈喇和屯。

元和志柳谷水有東西二源出柔遠縣東北天

山南流十五里乃合。

按自哈密東南至安西州為唐柔遠縣地塔

勒納沁郭勒當其東北境出天山分源合流

形勢猶存應屬唐時柳谷水也一統志載那

清河在哈密城東三百里許那清與納沁音

本相同。當即指塔勒納沁郭勒而言。曰在哈密城東者。河出天山麓。南流數十里。正當哈密東境也。

納林烏里雅蘇台布拉克。

納林烏里雅蘇台布拉克。在南山口西三十六里。源出天山南麓。

和洛魯克布拉克。

和洛魯克布拉克。在納林烏里雅蘇台布拉克西二十四里。源出天山南麓。

哈喇垓圖布拉克。

哈喇垓圖布拉克。在和洛魯克布拉克西二十里。源出天山南麓。

塔里雅圖布拉克。

塔里雅圖布拉克。在哈喇垓圖布拉克西十里。源出天山南麓。

納林布拉克。

納林布拉克。在塔里雅圖布拉克西二十里。源出天山南麓。

金匱要略卷二十四
庫克雅爾布拉克。

庫克雅爾布拉克。在納林布拉克西十五里。源出天山南麓。

薩勒奇台布拉克。

薩勒奇台布拉克。在庫克雅爾布拉克西二十五里。源出天山南麓。

博羅布爾噶蘇布拉克。

博羅布爾噶蘇布拉克。在薩勒奇台布拉克西二十里。源出天山南麓。

按自納林烏里雅蘇台布拉克。至博羅布爾噶蘇布拉克。皆南流入於南湖。西又有沙棗鴨子。梯子。諸泉咸入之。沮洳浸潤。居五堡之陰。回民賴以耕種。土田沃衍。園林蔭蔚。爲西陲膏壤。山川自然之美利具焉。由是西南則間多沙磧矣。

以上屬哈密。

巴爾庫勒淖爾。

巴爾庫勒淖爾。舊音巴里坤淖爾。在鎮西府

巴即

勒。爾庫城西北十五里。周一百二十餘里。源出天山北麓。西北流百餘里。匯為巨浸。南至獨山子十五里。西至度濟三十里。北抵北山下。繞海多良田。古蒲類海也。

後漢書竇固傳至天山擊呼衍王呼衍王走。追至蒲類海。班超傳超為假司馬。將兵別擊伊吾。戰于蒲類海。注蒲類。匈奴中海名。在敦煌北。西域傳桓帝元嘉元年。呼衍王將三千餘騎寇伊吾。伊吾司馬毛愷遣吏兵五百人于蒲類海東。

與呼衍王戰。悉為所沒。呼衍王遂攻伊吾屯城。魏書高車傳彌俄突與蠕蠕主伏圖戰于蒲類海北。為伏圖所敗。西走三百餘里。伏圖次于伊吾北山。先是高昌王麴嘉求內徙。世宗遣孟威迎之。至伊吾。蠕蠕遁走。彌俄突追擊。大破之。殺伏圖於蒲類海北。

按古蒲類海。當以蒲類國得名。舊以匈奴東蒲類王茲力支地。後茲力支西徙于烏貪訾離。詳見卷九疆域而國有新境之可移。海無故地之

能徙。故其名不易也。據後漢書注海在敦煌北。魏書伏圖次伊吾北山。殺于蒲類海北。是蒲類海固居敦煌直北境上。而近在伊吾山北者也。今哈密以北。附近天山之水可當海名者。有圖爾庫勒。巴爾庫勒淖爾。而巴爾庫勒淖爾為大。以形勢求之。其為古蒲類海也。益信。

圖爾庫勒。

圖爾庫勒。

庫勒。回語。即蒙古語。淖爾。謂池也。餘做此。

在巴爾庫勒城

東三百里。其澤週迴五十里。源出天山北麓。西北流五十里。瀦為大澤。當鹽池之南。

元和志。鹽池海。在伊吾縣南三百里。周迴百餘里。

唐書地理志。伊吾縣南二里有鹽池海。

按今哈密南。並無大澤。足當海之名者。惟北有圖爾庫勒。及巴爾庫勒淖爾。各周數十里。而圖爾庫勒北數里。地名圖斯庫勒。圖斯。回語。謂鹽也。則唐所謂鹽池海。應即今圖爾庫勒也。史

曰縣南者。當日伊州州城。尙在其北耳。

又按宋王延德高昌行紀。載自夏州至伊州。中歷格囉美源。西方百川所會。極望無際。鷗鷺鳧雁之類甚衆。宋伊州卽今哈密。則格囉美源。當與哈密爲近。且以延德行紀前後程途審之。疑當時先過天山而北。次復折而南行者。所謂格囉美源。或卽哈密以北之巴爾庫勒淖爾圖爾庫勒之屬。未可知也。

托來布拉克。

托來布拉克。在托來達巴西二十里。東距鎮西府城一百八十里。

哈畢爾噶布拉克。

哈畢爾噶布拉克。在度濟西六十里。東南距鎮西府城一百六十里。

烏爾圖布拉克。

烏爾圖布拉克。在哈畢爾噶布拉克西九十里。東南距鎮西府城二百五十里。

阿拉克椿濟郭勒。

阿拉克椿濟郭勒。在鎮西府城西北阿達爾干鄂拉東。

哈喇烏蘇

哈喇烏蘇。

烏蘇。蒙古語謂水也。餘倣此。

在阿拉克椿濟郭勒

東三十里。

和尼烏蘇

和尼烏蘇。在哈喇烏蘇北。

按鎮西府北山之北。地俱沙磧。水泉隨處間出。或冬夏盈涸不常。難以備載。今舉其最著

者三水於此。

以上屬鎮西府。

欽定皇輿西域圖志卷二十四

欽定皇輿西域圖志卷之二十五目錄

水二

天山北路一

阿勒塔齊郭勒

阿爾呼特布拉克

多倫布拉克

庫里葉圖布拉克

察罕烏蘇

納里特布拉克

阿察郭勒

鄂倫淖爾

鏗格爾布拉克

必柳布拉克

多博綽克布拉克

濟爾瑪台布拉克

烏里雅蘇台布拉克

阿克塔斯布拉克

烏蘭烏蘇

志卷之二十五目錄

鄂倫淖爾

昌吉郭勒

羅克倫郭勒

呼圖克拜郭勒

圖古里克郭勒

哈齊克郭勒

瑪納斯郭勒

額彬格遜淖爾

烏蘭烏蘇

和爾郭斯郭勒

安濟哈雅郭勒

庫爾郭勒

濟爾噶朗郭勒

額布圖郭勒

布勒哈齊淖爾

裕勒雅爾郭勒

晶郭勒

庫色木蘇克郭勒

鄂拓克賽里郭勒

博羅塔拉郭勒

察罕賽喇木淖爾

阿拉克圖古勒淖爾

烏里雅蘇台布拉克

布爾噶蘇台布拉克

烏爾圖布拉克

青吉勒郭勒

赫色勒巴什淖爾

布拉干郭勒

烏英齊郭勒

博東齊郭勒

額爾齊斯郭勒

哈喇圖郭勒

哈喇額爾齊斯郭勒

奇喇郭勒

哈爾巴郭勒

博喇濟郭勒

博喇濟郭勒

尼斯庫郭勒

納林郭勒

巴爾噶淖爾

烘和圖淖爾

哈柳圖郭勒

北額爾齊斯郭勒

阿拉克淖爾

昌吉斯台郭勒

柴羅爾郭勒

哈爾巴噶郭勒

特穆爾圖郭勒

烏得郭勒

空格爾郭勒

愛呼斯淖爾

烏里雅蘇台郭勒

額敏郭勒

古爾格淖爾

布隆郭勒

阿里瑪圖巴爾楚克郭勒

察奇爾郭勒

烏蘭呼濟爾布拉克

呼濟爾烏蘇

綽諾布拉克

達木郭勒

烘郭爾布拉克

烏爾圖布拉克

哈畢爾噶布拉克

托來布拉克

納木郭勒

穆呼勒岱布拉克

達爾達木圖布拉克

蘇海圖布拉克

摩多圖布古圖布拉克

尼楚滾布古圖布拉克

鄂倫布拉克

伊奇爾布拉克

布爾噶蘇台布拉克

察拉垓布拉克

綽爾布拉克

阿勒塔齊郭勒

欽定皇輿西域圖志卷之二十五

水二

天山北路一

阿勒塔齊郭勒

阿勒塔齊郭勒源出迪化州城西南烏可克達
巴北麓東北流至迪化州城南分二支夾城各
北流一百里入於地西南有三泉東北流並入
於郭勒

阿爾呼特布拉克

阿爾呼特布拉克。在阿勒塔齊郭勒東。北流三十里。入阿勒塔齊郭勒。

多倫布拉克。

多倫布拉克。在阿勒塔齊郭勒東一百四十里。源出博克達鄂拉北麓。北流四十五里。至阜康縣城南。左右皆有泉。同發源博克達山麓。北流入於地。

庫里葉圖布拉克。

庫里葉圖布拉克。在多倫布拉克東四十里。源

出博克達鄂拉北麓。北流四十里入於地。

察罕烏蘇。

察罕烏蘇。在庫里葉圖布拉克東四十里。源出額得墨克達巴北麓。北流三十五里入於地。

納里特布拉克。

納里特布拉克。在察罕烏蘇東二十里。源出額得墨克達巴北麓。北流三十里入於地。

阿察郭勒。

阿察郭勒。在納里特布拉克東三十里。有三源。

出天山北麓。北流五十里。匯為一河。餘波入於沙磧。

鄂倫淖爾。

鄂倫淖爾。在阿察郭勒東一百二十里。都爾伯勒津城西十里。源出天山北麓。北流經得勒呼蘇台。行一百里。瀦為淖爾。圓徑三十里。

鏗格爾布拉克。

鏗格爾布拉克。在鄂倫淖爾上流東三十里。源出天山北麓。東又一泉合而北流。六十里至都

爾伯勒津城南。

必柳布拉克。

必柳布拉克。在鏗格爾布拉克東二十五里。都爾伯勒津城南源出天山北麓。東又一泉。名濟布庫。北行十里。入必柳布拉克。

多博綽克布拉克。

多博綽克布拉克。在必柳布拉克東三十里。源出天山北麓。凡三道。相距各二十里。

濟爾瑪台布拉克。

濟爾瑪台布拉克。在多博綽克布拉克東三十里。源出天山北麓。西北流。凡三道。相距各二十里。西為奇台布拉克。又西為格根布拉克。烏里雅蘇台布拉克。

烏里雅蘇台布拉克。在濟爾瑪台布拉克東四十里。源出天山北麓。西北流九十里入於地。西二十里有泉。在木壘北。

阿克塔斯布拉克。在烏里雅蘇台布拉克東三十里。源出天山北麓。凡三道。相距各二十餘里。

烏蘭烏蘇。烏蘭烏蘇。在阿克塔斯布拉克東二十里。源出天山北麓。東北流四十里至和濟格爾。入於沙

磧。按此為山北準夷舊疆東盡處。又東為烏爾圖。哈畢爾噶。托來諸布拉克。入鎮西府境。

鄂倫淖爾。

鄂倫淖爾。亦曰達布蘇淖爾。在阿勒塔齊郭勒

南三十里。南距迪化州城四十里。周十里許。其東別有小池。

〔唐書地理志〕後庭縣本蒲類有鹹泉鎮。

按迪化州卽烏魯木齊古蒲類地。

詳見疆域

唐志

稱其有鹹泉。疑卽今所謂鄂倫淖爾者近是。

昌吉郭勒。

昌吉郭勒。在迪化州西。昌吉縣南。源出孟克圖達巴比麓。有四源。合而北流。二百餘里。經兩屯之間。踰孔道北。又東北行入於地。

羅克倫郭勒。

羅克倫郭勒。在昌吉郭勒西十五里。其源出孟克圖達巴比麓。有兩源。北流二百餘里。又西爲格特爾格羅克倫郭勒。北流折而西。入於呼圖克拜郭勒。

呼圖克拜郭勒。

呼圖克拜郭勒。在羅克倫郭勒西一百里。地當孔道。有五源。出天山北麓。北流二百里。東會格特爾格羅克倫郭勒。西北流入於額彬格遜淖

爾。

圖古里克郭勒。

圖古里克郭勒。在呼圖克拜郭勒西九十里。源出巴顏哈瑪爾鄂拉北麓。北流百里。踰孔道入於地。

哈齊克郭勒。

哈齊克郭勒。在圖古里克郭勒西九十里。呼圖克拜郭勒西一百四十里。有三源。出哈屯博克達鄂拉東北麓。東北流一百二十里。踰孔道入

於地。

瑪納斯郭勒。

瑪納斯郭勒。在哈齊克郭勒西一百里。綏來縣治西境。有五源。分出哈屯博克達鄂拉北麓。合而北流七十里。循綏來縣治之西。折而北三十里。會烏蘭烏蘇。又北流一百里。入額彬格遜淖爾。

宋王延德高昌行紀北廷川長廣數千里。鷹鷄

鷓鴣之所生。多美草。不生花。汎舟於池中。四面

作鼓樂。

按今天山以北。迪化州左右境。於古胥屬北廷。山泉隨處濬發。其經流之遠者。若呼圖克拜。瑪納斯諸郭勒之匯入於額彬格遜淖爾。若庫爾濟爾噶朗諸郭勒之匯入於布勒哈齊淖爾。其較著也。延德記稱其川長廣數千里。或未免形容失實。然以方位求之。則北廷川流之蹟。於此可得其槩也。由是而西。長如伊犁郭勒。吹郭勒。塔拉斯郭勒。廣如圖斯庫

勒。巴勒喀什淖爾。其去北廷太遠。有非延德所及記者矣。

額彬格遜淖爾。

額彬格遜淖爾。在博羅哈瑪爾鄂拉。奇喇圖魯鄂拉北二百里。南會呼圖克拜郭勒。瑪納斯郭勒。烏蘭烏蘇諸水。咸瀦於是。周可五十餘里。乃布勒哈齊淖爾東一巨澤也。乾隆三十一年。秩於祀典。每歲春秋致祭。

歲祭額彬格遜淖爾文。

惟神德滋邊土。潤被遐陬。接蔥嶺以環流。繞天山而表勝。澄光不動。淵停受衆壑之歸。湛影惟清。派合溥流泉之利。灌平原而布惠。早看沃澤興屯。通遠磧以効靈。益慶恬波利涉。宜崇禋祀。用答神庥。

按唐書蘇定方追擊處木昆部於曳咥河西。由是乘勝西行。至雙河。渡伊麗水。乃禽賀魯。伊麗水。爲今伊犁河。則由是以東。至布勒哈齊淖爾。宜爲雙河。又東至額彬格遜淖爾。宜爲曳咥河也。

烏蘭烏蘇。

烏蘭烏蘇。在瑪納斯郭勒西六十里。源出古爾班多博克鄂拉比麓。東北流一百里。入瑪納斯郭勒。匯流入於額彬格遜淖爾。

和爾郭斯郭勒。

和爾郭斯郭勒。舊音和洛霍漸。在烏蘭烏蘇西五十里。源出額林哈畢爾噶鄂拉比麓。凡數處。合而北流五十里。至孔道北。復分三支入於地。安濟哈雅郭勒。

安濟哈雅郭勒。在和爾郭斯郭勒西北三十里。源出額林哈畢爾噶鄂拉東北流。瀦為小澤。

以上屬迪化州境。後屬庫爾喀喇烏蘇塔爾巴噶台。伊犁東西路諸境。

庫爾郭勒。

庫爾郭勒。在奎屯安濟哈雅西四十里。源出天山北麓。北行迤東。會阿爾沙圖布拉克。又北行至布勒哈齊北。折而西行。南會濟爾噶朗郭勒。又西行四十里。南會額布圖郭勒。合而西流。為

坤都侖布爾哈齊郭勒。西南流七十里。入於布勒哈齊淖爾。

濟爾噶朗郭勒。

濟爾噶朗郭勒。在庫爾郭勒西七十里。源出天山北麓。北流二百里。會庫爾郭勒。西流入布勒

哈齊淖爾。

額布圖郭勒。

額布圖郭勒。在濟爾噶朗郭勒西七十里。源出額布圖達巴。北流一百八十里。會庫爾郭勒。濟

爾噶朗郭勒。西流入布勒哈齊淖爾。

布勒哈齊淖爾。

布勒哈齊淖爾。為天山西北一大澤。周迴四百

餘里。冬夏不盈虧。東會額布圖郭勒。濟爾噶朗

郭勒。庫爾郭勒。西會鄂拓克賽里郭勒。庫色木

蘇克郭勒。南會晶郭勒。三面同入於淖爾。

裕勒雅爾郭勒。

裕勒雅爾郭勒。舊音雅勒裕爾。在額布圖郭勒

西三十里。瀦為小澤。餘波入布勒哈齊淖爾。乾

隆三十一年。秩於祀典。每歲春秋致祭。

歲祭裕勒雅爾郭勒文。

惟神德毓靈源。符標上善。妙柔明而不滓。抱清淨以
無塵。遠浦渟涵。勢滌洄而似帶。晴瀾皎晶。光瀲灩以
如銀。值衆部之輸誠。知百靈之效順。禾麻長養。咸資
布潤之功。黍稷馨香。宜有明禋之報。用昭靈貺。庶答
神庥。

晶郭勒。

晶郭勒。在烏里雅蘇圖西二十里。源出孔道南

金定皇朝西域圖志 卷二十五
三十里天山下。三源合而北流。入布勒哈齊淖爾。

庫色木蘇克郭勒。

庫色木蘇克郭勒。在察罕拜牲城西五里。有兩源。出塔勒奇鄂拉西五十里。過鄂拉東。迤北行八十里。又折而東五十里。入布勒哈齊淖爾。

唐書突厥傳。賀魯敗趨南道。降步真。定方命嗣業。婆潤趨邪羅斯川。追虜。任雅相提降兵踵後。於是晝夜進收。所過人畜。至雙河與彌射步真。

會。又彌射擊真珠葉護於雙河。斬之。

按蘇定方追賀魯至雙河後。西二百里。卽抵金牙山。賀魯跳伊麗水而逸。是雙河在伊麗水東二百里外也。今以天山北路伊犁郭勒迤東之河考之。其最近伊犁郭勒者。爲鄂拓克賽里郭勒。稍東南爲庫色木蘇克郭勒。兩河交流。同入於布勒哈齊淖爾。應卽唐書所謂雙河者。亦因其兩河交流而名之耳。

鄂拓克賽里郭勒。

鄂拓克賽里郭勒。源出博羅和洛鄂拉。西北行一百里。又西北一河。源出罕哈爾察海鄂拉。東南流。北合三河。匯而東流三十里。爲博羅塔拉郭勒。

博羅塔拉郭勒。

博羅塔拉郭勒。西承鄂拓克賽里郭勒。及西北一河。合流三十里至此。復分南北二流。各東行七十里。又合而東流四十里。南會庫色木蘇克郭勒。入於布勒哈齊淖爾。

察罕賽喇木淖爾。

察罕賽喇木淖爾。在庫色木蘇克郭勒西北。鄂拓克賽里郭勒東南。源出塔勒奇鄂拉。西周迴可百里。乾隆二十八年。秩於祀典。每歲春秋致祭。

歲祭察罕賽喇木淖爾文。

惟神坎德宣昭。蒙泉濬發。自塔爾奇之峻嶺。靈派遙分。爲厄魯特之名川。羣流交匯。晴波朗徹。作襟帶於烏孫。巨浪安恬。慶澄清於蒲海。佐坤元而布化。亘沙

金定皇朝西域圖志 卷二十一
三
積以含滋。允協懷柔。宜崇昭報。朕撫綏遐徼。耆定豐功。紀績犁庭。勒石格登之嶂。威行破竹。洗兵伊麗之河。惟式廓之不增。實有神之默相。當秣馬龍堆之日。効順而助皇威。泊屯田雁塞之年。流潤以滋土脈。用展沈狸之典。庶期胥鬯之通。玉帛載陳。春秋勿替。興雲有滄。萬頃溥灌溉之功。鼓枻遊行。諸蕃効朝宗之願。有感而必應。用康靖乎塞垣。源遠則流長。永馨香乎奕世。式惟國典。時乃神庥。

阿拉克圖古勒淖爾。

阿拉克圖古勒淖爾。在布勒哈齊淖爾西北五十里。周迴四百餘里。乾隆三十一年。秩於祀典。

每歲春秋致祭。

歲祭阿拉克圖古勒淖爾文。

惟神協靈。浩澤潛潤。遐荒標名。勝於月窟。以西作襟。帶於天山之北。王師飛渡。瑞同疏勒之名泉。大漠永清。廓比蒲昌之靈海。將屯衛資水泉之美。普沃新疆。而邊庭仰雲雨之司。用昭明德。爰修祀典。遙薦馨香。烏里雅蘇台布拉克。

烏里雅蘇台布拉克。源出拜塔克南麓。有三流。北行入於沙磧。

按此布拉克與後布爾噶蘇台。烏爾圖。兩布拉克。皆不通青吉勒郭勒。

布爾噶蘇台布拉克。

布爾噶蘇台布拉克。在烏里雅蘇台布拉克西。源出拜塔克南麓。有三流。北行入於沙磧。

烏爾圖布拉克。

烏爾圖布拉克。在布爾噶蘇台布拉克西。拜塔

克南。東北流入於沙磧。

青吉勒郭勒。

青吉勒郭勒。在拜塔克北六十里。河有兩源。一為布拉青吉勒郭勒。一為哈達青吉勒郭勒。出東北百里外北山南麓。西南流。東會布拉干郭勒之水。西流五十里。總名青吉勒郭勒。始於哈布塔克之西北。經拜塔克之北。又西流二百餘里。入赫色勒巴什淖爾。

赫色勒巴什淖爾

赫色勒巴什淖爾。在哈喇莽奈鄂拉北一百里。
上承青吉勒郭勒之水。西流三百餘里。至此匯
爲巨浸。東西七十里。南北三十里。餘波入於沙
磧。

布拉干郭勒。

布拉干郭勒。在布拉青吉勒郭勒東。源出和通
鄂博西山南麓。西南流一百四十里。東北會布
青拉青吉勒郭勒。又西行八十里。東北會哈達青
吉勒郭勒。又西流入青吉勒郭勒。

烏英齊郭勒。

烏英齊郭勒。在布拉干郭勒東四十里。源出必
濟鄂拉西南麓。西南流入於沙磧。

博東齊郭勒。

博東齊郭勒。在烏英齊郭勒東五十里。源出必
濟鄂拉南麓。西南流入於沙磧。

額爾齊斯郭勒。

額爾齊斯郭勒。在赫色勒巴什淖爾北一百里。
源出額爾齊斯東北山麓。有兩源。合而西行二

百里東北會哈喇圖郭勒。又西行二百七十里。東北會哈喇額爾齊斯郭勒。又折而西北行百里。東會奇喇郭勒。又東會哈爾巴郭勒。又西北行六十里。東會博喇濟郭勒。又西北行四十里。東會尼斯庫郭勒。又西北行四十里。東會納林郭勒。又西北行十里。入烘和圖淖爾。由淖爾西北岸出。仍名額爾齊斯郭勒。入哈薩克境。
〔唐書突厥傳〕賀魯者。室點密可汗五世孫曳步利。設射匱特勒。劫越子也。始阿史那步真來歸。

國。咄祿可汗。以賀魯爲葉護。代步真居多羅斯川。直西州北千五百里。

按今關展。唐屬西州。額爾齊斯河在今關展北八百里外。里數古浮今實。重以山川迴互。不皆徑道。則所云賀魯代步真居多羅斯川。直西州北千五百里者。應卽今額爾齊斯河也。顯慶初。蘇定方與任雅相。蕭嗣業。婆閏。窮討賀魯。定方命嗣業。婆閏。趨邪羅斯川追虜。邪羅斯川。應卽多羅斯川。邪與多爲音之訛。

羅邏書法稍變耳。

哈喇圖郭勒。

哈喇圖郭勒。在額爾齊斯郭勒東北。有兩源。出古爾畢達巴。西流三百里。西南入額爾齊斯郭勒。

哈喇額爾齊斯郭勒。

哈喇額爾齊斯郭勒。在哈喇圖郭勒北四十里。有兩源。出庫爾圖達巴。西南流二百里。入額爾齊斯郭勒。

奇喇郭勒。

奇喇郭勒。在哈喇額爾齊斯郭勒北四十里。有兩源。出奇喇鄂拉。西流一百九十里。入額爾齊斯郭勒。

哈爾巴郭勒。

哈爾巴郭勒。在奇喇郭勒北四十里。源出阿斯哈圖達巴南麓。西南流入奇喇郭勒。匯入於額爾齊斯郭勒。

博喇濟郭勒。

博喇濟郭勒。在奇喇郭勒北六十里。源出阿斯

哈圖達巴西麓。西流百里。入額爾齊斯郭勒。

尼斯庫郭勒。

尼斯庫郭勒。在博喇濟郭勒北五十里。源出古

爾班奇喇鄂拉。西流四百里。入額爾齊斯郭勒。

納林郭勒。

納林郭勒。在尼斯庫郭勒北。西流百里。入額爾

齊斯郭勒。

巴爾噶淖爾。

巴爾噶淖爾。在納林郭勒北。額爾齊斯東百里

外。小澤名。周圍五里。其流與額爾齊斯郭勒通。

烘和圖淖爾。

烘和圖淖爾。在阿勒坦鄂拉西。塔爾巴噶台東

北。額爾齊斯郭勒。挾諸河之水。西北入之。特穆

爾圖郭勒。哈爾巴噶郭勒。東入之。周迴六百餘

里。南有小河。名烏得郭勒。

唐書回鶻傳。葛邏祿。在金山西。跨僕固振水。

按阿勒坦鄂拉。為古金山。其西境之水。以烘

和圖淖爾爲大。葛邏祿處金山西。跨僕固振水。應卽今之烘和圖淖爾也。

哈柳圖郭勒。

哈柳圖郭勒。在阿勒坦鄂拉西北。源出山西南麓。西北流一百餘里。匯爲巨浸。由是西南行百餘里。至阿拉克鄂拉。北額爾齊斯郭勒。

北額爾齊斯郭勒。在烘和圖淖爾西北。阿拉克淖爾。昌吉斯台郭勒。柴羅爾郭勒。東來入之。其

自西來會入者。有哈喇郭勒。烘和爾堆布昆諸水。西流入哈薩克境。

阿拉克淖爾。

阿拉克淖爾。在哈柳圖郭勒西二百里。源出阿拉克鄂拉。西行三百里。北會昌吉斯台郭勒。柴羅爾郭勒諸水。入北額爾齊斯郭勒。昌吉斯台郭勒。

昌吉斯台郭勒。在阿拉克淖爾西北十里。南流匯入焉。

柴羅爾郭勒。

柴羅爾郭勒。在昌吉斯台郭勒西二十五里。西南流。入阿拉克淖爾。

哈爾巴噶郭勒。

哈爾巴噶郭勒。在烘和圖淖爾西。東流五十里。匯入淖爾。

特穆爾圖郭勒。

特穆爾圖郭勒。在哈爾巴噶郭勒東南。東北流。入烘和圖淖爾。

烏得郭勒。

烏得郭勒。在特穆爾圖郭勒東南。經流五十餘里。不通他水。

空格爾郭勒。

空格爾郭勒。在烏得郭勒東南。東流百餘里。入額爾齊斯郭勒。

愛呼斯淖爾。

愛呼斯淖爾。在烘和圖淖爾西南二百五十里。源出朱爾庫朱鄂拉。西北流五十里。瀦爲澤。周

圍數里。又西南有雅爾郭勒。源出塔爾巴噶台鄂拉。

烏里雅蘇台郭勒。

烏里雅蘇台郭勒。在愛呼斯淖爾南。源出鄂爾和楚克鄂拉東北麓。又一源出其西北。流三十里而合。又西流三百餘里。入古爾格淖爾。

額敏郭勒。

額敏郭勒。在烏里雅蘇台郭勒西。鄂爾和楚克鄂拉西北。河流北注。入古爾格淖爾。乾隆三十

一年。秩於祀典。每歲春秋致祭。

歲祭額敏郭勒文。

惟神績奏安瀾。祥符泰運。地雖臨乎遠塞。派原共此朝宗。一水淵淳。流不同夫竹箭。千層瀲灩。風自息夫鯨波。入我版章。共九河而貢順。漑茲禾黍。普百室以胥盈。是用嘉彼靈長。登之秩祀。用答神貺。永固鴻基。

古爾格淖爾。

古爾格淖爾。在愛呼斯西南一百五十里。周圍百餘里。烏里雅蘇台郭勒。額敏郭勒。西流入之。

布隆郭勒。

布隆郭勒。在烏里雅蘇台郭勒西南。源出鄂爾和楚克鄂拉北麓。北流七十里。入沙磧。

阿里瑪圖巴爾楚克郭勒。

阿里瑪圖巴爾楚克郭勒。在布隆郭勒西一百五十里。額敏郭勒西南。源出南山下。北流三十

里。入沙磧。

察奇爾郭勒。

察奇爾郭勒。在阿里瑪圖巴爾楚克郭勒西一

百里。源出南山下北百里。

按此南山。即鄂爾和楚克西境相接之山。阿蘇木里瑪圖巴爾楚克諸郭勒。出其北麓。故謂之南山。穆呼勒岱。鄂多特諸泉。出其南麓。故謂之北山。其實一山也。

烏蘭呼濟爾布拉克。

烏蘭呼濟爾布拉克。在齋爾西。源出巴爾魯克鄂拉東北麓。

呼齊爾烏蘇。

呼濟爾烏蘇。在烏蘭呼濟爾布拉克西一百六十里。源出巴爾魯克鄂拉北麓。

綽諾布拉克。

綽諾布拉克。在呼濟爾烏蘇西三十里。源出巴爾魯克鄂拉西北麓。由是西行五十里。與阿拉克圖古勒淖爾接。

達木郭勒。

達木郭勒。在納林和博克東二十里。源出鄂爾和楚克鄂拉南麓。西南流十五里。又一源西自

納林和博克東南來。合而南流二十里。入沙磧。烘郭爾布拉克。來會而東南流。又四十里入磧。

烘郭爾布拉克。在達木郭勒東二十里。源出鄂爾和楚克鄂拉南麓。西南流十五里。入於沙磧。烏爾圖布拉克。

烏爾圖布拉克。在達木郭勒東二百里。薩里鄂拉南。濱河兩岸山形周圍環匝。京西五十里。哈畢爾噶布拉克。

哈畢爾噶布拉克。在色伯蘇台鄂拉西五十里。

南流入沙磧。

托來布拉克。

托來布拉克。在哈畢爾噶布拉克西五十里。源出北山南麓。南流三十里。入沙磧。

納木郭勒。

納木郭勒。在托來布拉克西五十里。東距色伯蘇台鄂拉一百十里。源出北山下。南流五十里。又一源西南來。會而東南行。又四十里入於沙磧。西距額彬格遜淖爾百里。

穆呼勒岱布拉克。

穆呼勒岱布拉克。在納木郭勒西五十里。源出北山下。南流旁有鄂多特布拉克。

達爾達木圖布拉克。

達爾達木圖布拉克。在穆呼勒岱布拉克西五十里。源出北山下南流。

蘇海圖布拉克。

蘇海圖布拉克。在達爾達木圖布拉克西五十里。源出北山下。南流。以上三泉在額彬格遜淖

爾之北三十里。其流入於沙磧。不通淖爾。

摩多圖布古圖布拉克。

摩多圖布古圖布拉克。在蘇海圖布拉克西南五十里。源出北山下。南流入於地。

尼楚滾布古圖布拉克。

尼楚滾布古圖布拉克。在摩多圖布古圖布拉克西五十里。源出北山下。南流入於地。

鄂倫布拉克。

鄂倫布拉克。在尼楚滾布古圖布拉克西二十

里。源出北山下。南流入於地。

伊奇爾布拉克。

伊奇爾布拉克。與布爾噶蘇台布拉克並流。在

鄂倫布拉克西二十八里。源出北山下。南流入

於地。

布爾噶蘇台布拉克。

布爾噶蘇台布拉克。在伊奇爾布拉克西五十里。源出北山下。南流入於地。

察拉垓布拉克。

察拉垓布拉克。在布爾噶蘇台布拉克西五十里。源出北山下。南流入於地。

綽爾布拉克。在察拉垓布拉克西四十里。源出

北山下。南流入於地。由是南行百里。至布勒哈

齊淖爾。其水西二十八里。源出北山。南流入

於地。其水與布勒哈齊淖爾水並流。其

水與布勒哈齊淖爾水並流。

欽定皇輿西域圖志卷之二十五

